

四川總志卷之二十

經畧志二

蜀事當經畧者前志備矣茲反揭其大者曰屯田曰水利曰驛傳曰兵防蓋屯政有裨於軍國故涇濱許下自昔記之水利有關於岷萌故壑離疏湔迄今賴焉而驛傳之設以仁賔旅兵防之慎以固封圻皆政之不可緩也故謹志之庶守土者覽而抒石畫焉

屯田

國家稽諸周制凡軍衛皆置屯田雖以養軍實以經國也而蜀屯田最夥迄今二百餘年獎孔滋甚有一官而影占四五分者有一軍而包種二三分者有有軍而無田者有有田而軍絕者有種四五分而止納錢

糧一二分者有以承佃為名而實係賣絕者有軍民互相侵占而爭訟不息者規制紊而兼併日繁奸宄滋而屯政壞矣噫司計者可不一清釐之乎

蜀屯田之政莫詳其始宋高宗紹興七年川峽宣撫吳玠治廢堰營田六十庄計田八百五十四頃納收二十五萬石以助軍餉號為極盛

皇明洪武初

命諸將分軍龍江等處屯田自是立法漸密徧於天下大率衛所軍士以三分守城七分屯種又有二八一九四六中半等例皆隨地而異每軍納糧二十四石上倉內一十二石為正糧本軍月支食用一十二石為餘糧供給本衛官軍俸糧并養贍守城軍士每一都

司撥旗軍上一名種樣田為谷屯軍士歲收子粒之則二十年冬四川建昌衛附近地土先儘軍人次與小旗總旗百戶千戶指揮屯種自給三十五年令各處屯田衛所每軍歲支正糧一卜一石永樂二年奏准屯田歲收每粟穀糜黍大麥蕎麥各二石稻穀薯秫各二石五斗稔稗各三石並各准米壹石小麥芝麻與米同三年令各屯置紅牌刊刻賞罰格例傳遞以為警戒管屯官每歲立法比較屯軍歲用正糧并合存下年種子俱於本屯置倉收貯正糧月支種子臨期支給正統元年奏准各處屯種每軍正徵餘糧六石二斗令各處軍識倉人除應襲外及家人女婿無差使者每五丁朋撥地四十二畝耕種照例辦納

子粒二年令各都司衛所管屯官三年滿日造冊二
千里以裏赴京比較二千里以外從按察司并巡按
御史比較又令四川都司衛所屯種水田者納米陸
地者納豆無豆者抵斗折米八年添設提督屯田倉
事嘉靖二年屯鹽僉事潘鑑

奏請屯田關防六年詔巡撫督率管屯方面等官查勘
衛所屯田其在官舍軍餘名下占種者係年久故置
之田仍與耕種常納糧草如軍見存無田者即令退
還本軍為茶其領種故軍之田一人止許一分一戶
止許二分其餘亦令退出以給未領之戶新附之軍
嘉靖十九年屯鹽僉事陸時雍查得衛所各屯初設
倉數園地廢址皆為隣近軍民開種議呈巡撫都御

史李欽巡按御史董珊批允通行委官清查查出成都
五衛并茂州小河威灌等衛所倉園基地共計田四
千三百五十四畝照依新增畝數起科糧共一千一
百七十二石有零行令造入十九年實徵冊另項徵
收其隸重利敘瀘松潘廣安青黔雅州大渡河等衛
所候查明至日一體徵納歲計四川都司所屬二十
一衛所原額軍士六萬三千六百三十六名通共田
地原額新增額外樣田共一萬八百四十四頃一十
畝七分八釐五毫六絲一忽該糧一萬四千八百七
十四石七斗八升四合六勺行都司原額新增田地
共三千四十七頃六十六畝一分五釐該糧二萬五
百九石三斗二升四合七勺新增倉基花園稅額不

與焉隆慶三年吏部題將屯鹽水利合為一道四年
戶部咨各邊巡撫及兵備等官勅書各增入兼管屯
田事務萬曆三年巡撫都御史曾省吾巡按御史郭
莊會題將屯軍屯田合為一道除行都司六衛七所
屯田仍令建昌道照舊管理其松潘等道兼管一体
開除於是事体合一而軍屯並清矣

巡撫都御史劉大謨蜀屯田志序

屯田昉於漢文帝從晁錯募民徙塞下之請厥右魏晉
唐宋相沿不廢或擊先零羗土屯田便宜十二事或
屯田許下得穀百萬餘斛或鎮襄陽墾田八百餘頃
或因隙地置營田司農寺大興河北營田或治川峽
廢堰皆因時舉事未有若我

太祖高皇帝汛掃胡元之餘普天率土徧設衛所各置屯
田蓋即古寓兵於農之意也倚歟休哉迨我
成祖文皇帝詳立賞罰科條特刊紅牌傳警

列聖相承申明戒諭益慎益詳柰何歷年既久人心玩愒
奸弊橫滋遂將青山綠水魚鱗等冊惡其害已一掃
無餘識治體者未始不為之求慨然蜀中屯弊殆有
甚於他省邇來撫按衙門坐委該道清查年復一年
轉相推托嘉靖庚子會事陸君時雍至乃毅然以為
已任立丈勘之規格定輸納之限期兼並奪占者緝
之以法隱匿迷失者稽之有要深奸巨蠹搜剔殆盡
馴至原額以復新增罔紊且窮探百廢源流指陳五
弊頭末而救正擘劃各臻其極先巡撫心齋李公嘉

其事有成績恐其久而復墜檄令纂為圖志蓋所以懲前轍而防末流也書成以序請於余嗚呼心齋之

經 國陸君之勤事所謂千載一時有足稱者况茲志實為屯政之燭龍豈直軍田之麟乎哉故輒忘其庸謏於是乎言

巡撫都御史曾省吾酌議兼理道務疏

臣會同巡按四川監察御史郭莊議照

國家軍政莫善於屯田今日軍政之弊亦莫甚於屯田然有治人無治法若督領之人得其要領則弊亦未之有不可救者惟因循乃滋甚耳臣等以四川屯政言之以按察司設屯田僉事一員非不重其事矣近該

徐塘堡壩底堡石板關石泉堡白印堡青崗堡石泉城上雄關平番堡黃酒啞堡赤土坪堡共二十五處戍守官軍兵快共六千四百五十二員名額坐大印等倉糧米共三萬一千一百一十八石有奇嘉靖二十三年遊擊周庚妄殺討賞番人著兒茄等二十四年白草等一十八寨番蠻聚眾於羊角台泥一帶劫掠攻克平番黃酒二關截占漩平以阻石泉兵糧之路巡撫都御史張時徹督同副總兵何卿調集官兵剿平之

建昌

建昌本西南夷地唐末蒙詔改城曰建昌府

皇明置建昌軍民指揮使司尋置行都司領衛六曰建昌

曰建昌前曰寧番曰越雋曰鹽井曰會川守禦千戶所五曰禮州曰打冲河曰德昌曰冕山曰打冲河中左所曰迷易長官司五曰昌州曰威龍曰普濟曰馬刺曰邛部俱屬行都司沿邊各路俱設關堡以控要害建昌衛所屬紙房堡瀘州堡高山堡沙坪堡德力堡黃泥堡建昌前衛所屬青山堡松林堡平蠻堡鎮夷堡寧番衛所屬瀘沽關鐵廠堡北山堡太平關冕山堡巡哨堡李子坪堡雙橋堡白石堡三橋關越雋衛所屬青崗堡蔡葉堡木瓜堡鎮遠堡坪壩堡苦菜堡平夷堡八里堡河南堡晒經關堡白馬堡鎮蠻堡李子坪堡臨河堡炒米關小哨堡長老坪堡溜水堡新添堡黃泥堡九盤堡會川衛所屬虎頭關甸沙關

者既查補此軍矣即查此軍之屯當在何處坐落軍明而屯不明不止也屯有荒既查出此屯矣即查此屯之軍當於何處句補屯明而軍不明不止也如理亂系細尋其頭緒如補收衣屨就其片段而後用獎以生利因偏以求全庶日計不足月計有餘雖不能盡復足籍於既往而尤可以收寸效於將來軍當漸清屯當漸完而兵食俱有賴矣謹按各衛所有管屯官為追徵之種設也近年附之有司帶徵固款耕革屯官之弊然有司官惟料撫字心力殊勞矣又烏能兼營屯况管屯官之點指者通同屯軍故意延抗儻視州縣官為土梗不少也又烏可以徵責之合無今後將屯糧行衛所管屯

官自行徵收但令有司就近催督下也連完陸續解
二庫仍按月比較旗軍書手以懲欺怠至於剝軍

明而嚴創之度體統肅而屯政清矣

水利

江灌之水出自岷嶓其勢建瓴而注全蜀神禹疏濬之
功茲見烈焉至秦李冰鑿離堆以疏沫水衆渠順流沃
野千里訖爾陸海厥後人翁白敏中張詠咸加修浚迄
今賴焉嗟夫君國之有渠猶人身之有脉絡也一縷
不通全體皆病按方不之則爵滯決而精神流通矣
守土者其尚因時修之以甦蜀哉
蜀中諸水咸出岷江江以在羗地之列鷲村所謂

嶺者分為二派一西南流為尖囊大渡河一正南入溢
村至石紐過汶川歷今灌縣境又有湔水出焉灌之上
流西北十數里有水出允溪口又數十里有水出白沙
口同會於灌經灌西南流者今謂之南江即禹所稟岷
江正流自秦李冰鑿離堆引江水循灌城東注北折於
是始以東南正流為南江經離堆薄灌城而東北注者
為北江北江出自寶瓶口穿三泊洞而北注者為外江
自寶瓶口直東入五斗口而東北注者為內江蓋北江
折為二江并南江而三其北行入五斗口一支在南北
二江之上故以內江別之外江北經崇寧彭縣新繁漢
州界出金堂峽內江東經郫縣崇寧界內下過府城北
南會府城前江以趨於彭合彭山金堂諸水會於瀘州

合綿涪諸水并嘉陵江經合州會於重慶合碕雅諸水
 會於嘉定合松潘之西南入尖囊大渡河者會於敘州
 遠近溉田不可勝計然各府塘堰皆民間自修官課其
 成而已獨李冰所鑿離堆山設立都江堰在岷江中流
 時歲工費鉅萬元至元元年廉訪僉事吉當普建白用
 石包砌諸堰為石門以時啓閉

國初加音水利每歲冬春之會令得水州縣與軍衛屯所
 共夫五千竹木工料計田均輸修葺堰得不壞成
 化九年巡撫都御史夏瑱以遠人赴役不便又將即灌
 二縣雜派科差均敷得水州縣專備工料以供堰務弘
 治九年添設按察司僉事一員專一提督都江堰併各
 府州水利於時灌縣知縣胡光伐石治金印舊趾甃砌

為防貫以鐵鉞柱三各長一丈二尺使當湍勢石隄中
 貫鐵處固以油灰直長一十五丈高一丈三尺濶五尺
 首闊一丈二尺用鐵三萬餘石二千二百高廣丈餘長
 倍之桐油五百麻線二百木二千五百各色工役計二
 十五萬三千二百有奇正德間水利僉事盧翊親詣督
 理疏濬直抵鐵板得秦人所書六字訣曰深淘灘淺作
 堰大書灌瀾亭上以昭永鑒先是每年起工役有不均
 之歎翊乃下令以糧三石派夫一名分八班凡八年一
 周仍啓

蜀府每年助青竹四萬竿委官督織竹籠裝石為堰嘉靖
 初僉事劉隅重修都江堰觀瀾亭十一年僉事張彥果
 議築石工復吉普當胡光之舊以工費浩大不果

謹按四瀆惟江最大蜀水自江之外有七皆注於瞿唐由荆達揚以入於海世傳杜宇命其相鰲靈作三陝以通江水而李冰離堆之鑿最有功於蜀然摠之則大禹平成功在萬世矣書曰岷山導江東別為沱蓋水出於岷者皆謂之江出於江而別流別而復合皆謂之沱此禹治功之神流澤之遠也思昔若鰲靈李冰僅因禹蹟効一疏鑿之力耳謂之有功于蜀則可謂之配禹則未也或謂薩縣都江堰乃諸堰綱領而分江流之第一咽喉其詳見都江堰考當事者嗣而修築之亦一方之利也謹附著之

驛傳

驛有舟有馬水陸所會舟馬兼焉夫今之傳即古之

遽傳置郵丞即古之候也蜀驛僅供本省而雲貴士夫間一出其途視齊魯楚鄭稍僻然亦不可不節其力而均其勞近之創置其中非茲意乎噫王者均平之政可規矣守是官者可謂驛至卑也丞至末也而不慎且賢以貽王子之博詬哉

蜀雖僻在西南一隅而水陸巖險甲於天下

國初疆理封域即設郵驛以通往來自成都府錦官驛

由府屬之新都軍站廣漢驛壯由潼川州境古店軍

站五城驛建寧軍站皇華驛秋林軍站雲谿驛保寧

府境富村軍站柳邊驛龍山軍站錦屏水馬驛槐樹

軍站施店軍站栢林軍站栢林遠運所龍潭軍站問

津水馬驛沙河軍站神宣軍站神宣通運所抵陝西

寧羗州境為北路自廣漢驛西北由成都府境金山驛西平驛武平驛小溪驛溪子驛水進驛小河驛三舍驛抵松潘衛為北路由成都府境唐安驛邛州境白鶴驛雅州境百丈驛雅安驛新店驛箐口驛黎州境沉黎驛越雋衛境河南驛鎮西驛利濟驛龍泉驛瀘沽驛建昌衛境溪龍驛瀘川驛阿用驛祿馬驛會川衛境巴松驛大龍驛會川驛腰驛黎溪驛抵雲南武定府北界為西南路由府蜀之龍泉驛陽安驛南津驛珠江驛安仁驛敘州府屬之龍橋驛重慶府境峯高驛梟驛來鳳驛白市驛朝天驛渡江由百節驛百渡驛東溪驛安穩驛播州境松坎驛桐梓驛播川驛永安驛湘川驛仁水驛湄潭驛鰲溪驛岑黃驛

白泥驛抵湖廣偏橋界又自湘川驛西南昌田驛沙溪驛黃平驛抵貴州之興隆衛界為東南路由成都府境永康驛太平驛寒水驛安遠驛護林驛抵茂州自茂州折而西北由長寧驛來遠驛歸化驛鎮平驛古松驛亦抵松潘衛為西路又自錦官驛通運所水路由成都府屬廣都驛木馬驛龍爪驛眉州境武陽驛眉州驛石佛驛青神驛峯門驛嘉定州境平羗驛凌雲驛嘉定州通運所三聖驛沉犀驛下壩驛敘州府境月波驛宣化驛真溪驛牛口驛汶川驛敘州府通運所李莊驛龍騰驛瀘州境江安驛董坝驛納溪驛瀘州通運所瀘川驛黃舫驛神山驛牛腦驛史壩驛重慶府境漢東驛石門驛石羊驛焚溪驛銅鐘驛

魚洞驛朝天驛重慶遞運所木洞驛龍溪驛蘭市驛
涪陵驛東青驛鄧陵驛花陵驛雲根驛忠州遞運所
漕溪驛夔州府境灤途驛集賢驛萬縣遞運所巴陽
驛五峯驛南陀驛永寧驛夔州遞運所高塘驛抵湖
廣巴東界為東路又自陝西漢中南界水路由九井
驛朝天驛問津驛龍灘驛虎跳驛蒼溪驛盤龍驛順
慶府境龍溪驛平灘驛嘉陵驛重慶府境太平驛合
陽驛土沱驛至重慶府入大江為北水路又自敘州
府水路由馬湖府境羅東溪泥溪驛入東川軍民府
自瀘州境納谿驛約谿遞運所渠壩水驛大洲水驛
峽口水驛入永寧宣撫司為南水路又由永寧永安
驛永寧驛永寧遞運所普市驛摩泥驛赤水驛阿永

驛烏撒府境層臺驛周泥驛瓦甸驛黑張驛普德歸
驛抵貴州壯界為陸路水陸驛遞昔設官吏夫馬舡
隻鋪陳館庫等役供應官使合用廩米俱於官倉支
給嘉靖四年巡按御史范永鑾題奉

欽依四川驛遞行按察司提督水利僉事帶管先是驛傳
銀兩坐定州縣隆慶三年巡撫都御史嚴清議一例
徵銀全省通共一十一萬七千八百九十一兩八錢
除經發各驛遞外餘三萬四千九百三十二兩三錢
解布政司協濟八府萬曆三年驛傳道僉事張師中
議川中僻在一隅原非午道其廩糧夫馬近已酌定
成規使奉行者遵畫一之法徵解者得及時以濟亦
不至大乏絕也乃今往往告匱俱云稱貸賠償其勢

不得不至於議增矣但裁酌本以省費而分外多濫給是頭飾美名而陰取耗嘉也加增期以裕用而支發或後期是名雖為增而實則不繼也其原皆由於法紀之不嚴而規制因以不定耳乃列釐時弊五條曰嚴號單禁冒濫速徵解禁那移懲奸懲貪事張師中又查驛傳以蘇民困議畧具列如左

查得四川驛遞道路交錯險易不一自嘉靖三十六年改編量行衝僻遠近品定船馬夫役庫館鋪陳支應俱各定有規則間又以簡濟繁立法頗善每糧一石徵銀一錢七分通省一十五萬五千九十五兩有零立法之初官民稱便厥後因循廢弛奸弊蠹興在夫役有包攬侵冒之奸在糧戶有索指賠補之苦非

法之弊在行法之未善也隆慶三年巡撫都御史嚴清目擊其弊一切釐正而更之禁馬匹之親當革人夫之長顧減船隻之舊額定支用之新規將通省傳銀以各州縣糧額之輕重為各驛遞銀數之多寡或減編或照舊共減去銀三萬七千二百四兩有零止存銀一十一萬七千八百九十一兩零所以樽節錢糧清省浮費意甚美也但間有裁削頗過下情難堪果有賠累過苦而抱情上訴亦有借言不便混同告擾者續奉巡撫都御史陳案驗行道查處該前原任驛傳道副使黃會同各該守巡道議稱錢糧有額數裁減太過則供應不敷夫馬有常供臨期顧募則措辦不前是在民陰坐賠補之害在官明受掣肘

之苦此官民所以兩病也議欲全復三十六年原編舊數時因錢糧減編恐難加派止議哀多益寡補弊救偏呈詳兩院批允通行今各該驛遞又復紛紜告訐乃蒙軫念時艱撫恤疲困案行會議為照成都遞運所馬紅船隻緣江水有巨細之候夏秋水漲之日始可乘舡冬春水落之時鮮有經行其水夫玖拾名率皆閑曠今加長夫二十七名及裁減抄牌夫三名以充長夫共計一百二十名一條鞭序簿輪撥四十一名守舡五日一換不論駕舡擡損俱輪流序撥週而復始其過往官損不過二十擡者不得短顧如至二十擡以上一時湊集損數太多并解京黃白蜡絹疋扇柄藥材番僧進貢等損始許顧募短夫若不籍名

在官又恐臨時誤事天欲用其力當体其情今議每差一次量地里遠近給與夫銀則人情亦俱樂願矣及照分守上川南道議將嘉定州遞運所馬舡每隻止留水夫四名紅舡二名各看舡餘夫序簿輪流挨撥不唯短顧查與書冊事規相同但先日馬舡每隻長夫十八名紅舡六名今之馬舡每隻長夫八名紅舡五名蓋昔之舡夫數多序撥勞逸適均今之舡夫數寡輪差逆少勞多且馬紅船隻頗大其江水平靜之時前項夫數似足看守萬一卒遇風雨而四夫二夫豈能撐持相應酌處合無通將馬紅舡夫一條鞭序簿輪流挨撥馬舡一隻用看舡夫六名紅舡一隻四名俱五日一換週而復始不得坐認守舡之名庶

免勞逸不均臨差之時馬舡一隻撥長夫十二名短
顧八名共二十名紅舡一隻撥長夫六名短顧夫四
名共十名長夫空閑官損照舊兼擡其牧府瀘州二
通運所俱照嘉定州通運所事規施行以上四所每
馬象紅舡一隻各留長夫一名在舡看守舖陳什物
餘照前定之數輪流更換惟重慶二府通運所乃衆
流之會各灘沅險勢難強同相應每馬象舡一隻量
加長夫二名紅舡一隻量加長夫一名萬縣所原減
馬舡四隻亦照兵巡道所議復造二隻以上各所加
夫復舡其應用價值與夫工食俱有原編夫銀足堪
支用錢糧並不加增再照永寧萬縣二所舡隻均有
越過歸夷直抵荊州往返耽延月日甚至舡隻無回

而竟敘湖省者及查賦役書冊開永寧馬舡象舡至
歸州通運所即時交割徑回敢有包夫利貼越過新灘
即將駕舡水夫通挈問責令賠造新舡舡還官等因
立法已詳今稱歸夷二所永不造舡而川舡長年代
為應通中間未必無因若非川夫利其津貼樂從代
通即係二所無舡勒令越送但歸夷係屬異省要書
其造舡法所難行所據送舡夫役應合行令夔州府
每舡置圓牌一面內刻某字號為紅舡臨期填送某
官該府酌量往迴程日註定期限給與駕舡夫役仍
置簿填號如限回銷敢有過限不赴銷繳者即追過
月日工食貯庫又沿江一帶水驛間有原額夫舡數
少今要比例加增但查見在舡隻惟凌雲納谿與眉

州水驛係近日減編餘俱書冊刊定之數惟上下相連驛分船數多寡不同蓋有水陸並通本非偏道或可從陸行者其間有驛居府縣附郭本屬煩難者立法之始寓有深意若從其加不惟浮於舊額抑恐援例告擾終無已時相應於原定站舡之外量添雇募銀兩倘遇上司水行冗併額船差盡始准動銀雇通循環銷筭其涪陵驛居涪州附近為分守道駐劄之地各復舊又涪陵驛居涪州附近為分守道駐劄之地額舡果少應加船一隻此係因其煩劇勢難與眾同也全省旱驛原因地里遠近不同所定馬匹銀數多寡不一然有道里本遠如高唐等驛來路太衝如問津等驛查其近編馬數亦有多于舊額者緣先日

每馬月編銀二兩四錢四分輪流應當今之每馬者月給銀一兩八九錢少止一兩五六錢召募一人承役中間委有虧賠今各量其差費煩簡道路衝僻少者益之每驛加馬二三匹每匹或加銀三四錢不等附近例減去接濟銀兩今當照舊編發聽用間有偏道驛分夫馬原定按月發銀臨差雇募者今仍其舊惟定發銀數太少今合量為增益又查得敘州府屬驛遞近日征勦都蠻加增水旱夫馬以濟煩難原議事寧停止今應量行減存又照閏月錢糧似當議定只於有閏之年加徵以杜臨時中擾之煩總計全省驛遞近編錢糧與今議量增夫馬等項并敘南地方新設兵備總鎮衙門廩糧及改建都寧驛與羅洗

公館武寧城各應用銀兩通共一十二萬五千八百九十二兩三錢五分除見編有驛傳銀一十一萬七千八百九十一兩八錢八分有零計欠銀八千兩零肆錢柒分奉巡撫都御史羅瑤批據議各驛通增減錢糧劑量允當但所增銀數不多加派於民未便查得壩州貼守追九州縣民兵工食近據簡州申自四拾一年至今未完外已近千兩未奉取解并道議亦將威州節年支剩工食買辦賞需想此項必多餘剩仰布政司行道查每年應支若干止坐定數目解給又查龍泉驛有碾課銀而成都府庫此銀亦多通年實徵若干作何支用二項應否改充或此外另有堪動者可免加派一併悉心查處以寬民力速議具報

巡按御史郭莊批布政司酌議報奪蒙此卷查先
巡撫都御史曾省吾案仰司官吏即便會同驛傳并
守巡該道通將全省驛遞備查某幾處極衝某幾處
僻某幾處次衝某幾處次僻各原額錢糧有無足用
召募人夫有無虧賠船馬人夫鋪陳庫館有無安貼
銀兩有無如數給發工食有無依時給領併查驛傳
銀兩通年於稅糧內帶徵果否通完即今某驛遞某
項當增某驛遞某項照舊不必拘泥成議惟求官民
兩便上下稱安永久可守逐一調查酌議停妥明白
造冊開款通詳該本司看得通省驛遞錢糧既經驛
傳道分別繁簡衝僻參諸衆論審之民情度之時勢
劑量增損品裁停妥似爲經久無復再議今查各驛

遞船馬夫役工食支應等項并敘南地方新設兵備
 總鎮衙門廩糧及改建都寧驛羅洗公館武寧城各
 應用錢糧共該增銀八千兩零四錢七分及查今議
 川北道驛遞除減出馬價一百二十二兩四錢外復
 又實增支用旱夫工食漿洗鋪陳一百八十二兩四
 錢連前議通共增銀八千一百八十二兩八錢七分
 除各州縣驛遞扣存減去并裁革叙州府屬驛站新
 增夫馬等項總計大約共銀四千八百七兩六錢以
 充所加夫馬等項之用止少銀三千三百七十五兩
 二錢七分又查都寧驛羅洗公館武寧城合用錢糧
 先經議於敘州府屬宜南富慶等十縣稅糧內每石
 加派銀二分共銀二千二百七十八兩一錢八分有

零俱在三千三百七十五兩二錢七分數內今既議
 及通省錢糧則都寧等衙門費用又不宜偏累一府
 應於合屬稅糧內通融加派計通省原額稅內除沒
 官并夷糧等項俱不編外實編糧共九十二萬五千
 查九百八十六石九斗三合九勺九抄五撮五圭每石
 除舊編外今加派銀三釐六毫四絲五忽一微共加
 銀三千三百七十五兩二錢七分零此則衆輕易舉
 永遠可行也若夫馬工食之徵給錢糧出納之銷弄
 鋪陳船隻之修造邊方腹裏之應付與夫查革冒濫
 之關文糾察衙門之奸弊俱照舊規新例施行奉批
 各驛遞錢糧既經該司道重覆酌議允當而分派數
 亦不多俱如議施行刊入書冊遵守又蒙巡按御史

郭莊批該省夫馬銀兩既酌議明安准如議行萬曆
五年奉勘合裁革冒濫通計每年該省十分之三約
三年所積穀數一年將萬曆六年分傳銀免徵驛傳
道食事杜詩呈允撫按委官通查懲侵欺之弊嚴冒
濫之禁一時民困稍蘇諸驛經費有度於是官民兩
稱便焉

巡撫都御史曾省吾議開新驛疏

查議得巫山巴東二縣係楚蜀接壤地方蜀道自古稱
難而水陸俱險誠莫甚於兩縣之間自嘉靖年來新灘
水勢壅逆以致公差員役舍水路而就夷陵之陸路者
益多此夷陵歸州之民告疲而就中已設有白沙一驛
以爲協濟今巴東之民力不過歸州十分之一衝要相

百二十六兩解發巫山縣貯庫抵充前項夫馬之用又
巫山縣止編轎槓夫銀三百六十兩相應於內通融雇
募應役其修蓋驛官衙舍應用木植磚瓦等項就於該
縣附近採辦合用錢糧亦於該縣公費銀內動支其添
設驛分呈乞會議題請

欽定驛名另鑄印信選設官吏該給俸糧就於巫山縣存
留倉內支給隸四川夔州府巫山縣管轄庶兩省不致
互推一勞得以永逸矣往來從舟較便自有新灘之後
石塞湍奔驚撼萬狀公使員役由陸路者十分而九二
縣原係地瘠民貧重之以此艱苦數倍日見凋敝雖節
經屢議設驛緣係關二省誠有作舍道傍之難今據司
道等官會議前來錢糧總出蜀省只取剩餘公館改爲

驛亭但修官舍不派小民不煩公帑而巴巫疲民得以
喘息而往來俱便等因蒙兵部題奉

欽依定名巴中驛

謹按驛傳之設大都在宣

德意而仁賓旅其政則務均道里以節民之力耳嘉隆以
來紛紛裁革然所節者小民未沾一分之實惠而所
勞者乃轉遞二三百里之外越二三日之程蜀民告
疲莫甚于此今觀巴中開驛一疏洞察民隱節嗇民
力巴東巫山二邑之疲尤稍息肩矣夫非王者均平
之政乎或謂自峨眉至北昌漢為青衣道司馬相如
持節開越嶲所鑿者無六渡河夏月瘴癘之毒嘉靖
間兵備副使富好禮已江議允開通後不知何時復

塞經國者倘查復之其惠蜀民豈謫鮮哉

裁革冗員疏

欽差巡撫四川等處地方都察院右副都御史張為奉

旨查議裁革官員事准吏部咨該本部題文選清吏司案

呈奉本部送吏科抄出巡撫四川等處地方都察院

右副都御史張巡按四川監察御史劉天衢各

題前事俱奉

聖旨吏部知道欽此欽遵案呈到部臣等會同戶兵二部

尚書張方看得巡撫四川右副都御史張

巡按御史劉天衢各題稱督糧右叅政鹽茶法水利

驛傳僉事敘馬廬兵備僉事俱應裁革糧務歸併右

布政鹽茶法水利驛傳事務歸併清軍屯田副使各

兼管敘馬瀘兵備事務歸併分巡副使兼理照舊改
為兵巡下川南道於瀘州建武所二處各半年輪駐
整飭兵務請給

勅書三道分發遵行各一節為照督糧道官已經奉

旨議裁四川糧儲叅政應如議裁革鹽法茶法水利驛傳
雖兼四事政務實簡專設一道似屬曠閑下川南地
方所轄敘州馬湖二府瀘州所屬原設守巡二道已
足經理頃緣九絲初平議設敘瀘兵備以為善後之
計即今地方寧謐且建武所城設有總兵一員彈壓
府同知一員撫安夷民復設兵備僉事委屬冗濫今
該撫按官議將鹽茶等項併於清軍副使敘瀘兵備
仍歸分巡兼管殊為長便相應覆請合候

命下將四川布政使司督糧右叅政一員按察司鹽茶水
利驛傳僉事一員敘馬瀘兵備僉事一員俱行裁革
遺下督糧事務歸併本司右布政使管理仍行各分
守道督催又查各省管糧右布政使俱無

勅書不必議給鹽茶水利驛傳事務俱歸清軍屯田副使
兼管敘馬瀘兵備事務歸併分巡副使兼理照舊改
為兵巡下川南道於瀘州建武所二處各半年輪駐
整飭兵務其清軍屯田副使鄭一信分巡下川南道
副使范燧俱移咨該部請給

勅書關防以便行事裁革各道并清軍屯田道
勅書關防分巡下川南道印各事

奏繳應裁叅政趙睿僉事丁元復李之茂俱暫回原籍

候有員缺改補等因萬曆八年十一月初八日太子
太保本部尚書王 等具題初十日奉

聖旨是各官依議裁革欽此欽遵擬合就行為此合咨前
去煩照本部題奉

欽依內事理欽遵施行准此案照先據四川布政使司呈
先奉巡撫四川七都御史案驗准吏部咨前事仰司

即便會同按察司查本省兵備守巡等官有應裁革
者會議停妥具由通詳以憑題

請施行奉此遵行間又奉本院案驗准吏部咨同前事仰
司速查督糧道事務應否歸併右布政使兼管兵前

查守巡兵備等官有應裁革者俱一併會議通議等
因奉此又蒙巡按四川監察御史案驗具同前事

設本司左布政劉庠會同按察司按察使胡定查得
布政司原設左布政一員以司印務右布政使一員

專理清軍分守川西道左叅政一員駐劄省城分守
川北道右叅政一員駐劄順慶府分守川東道左叅

議一員駐劄涪州分守下川南道右叅議一員駐劄
敘州府各係

舊制分守上川南道右叅議一員係正統九年添設先駐
雅州今駐嘉定州管轄嘉眉邛雅十八州縣雅大二

所天全黎州二土司奉
勅管理邊倉糧儲按察司原設按察使一員司理印務清

軍副使一員專理軍伍至萬曆三年奉
勅兼理衛所屯田子粒兵巡上川東道副使一員駐劄重

慶府分巡上川南道僉事一員駐劄雅州分巡川西道僉事一員駐劄省城分巡川北道僉事一員駐劄保寧府俱係舊制提學道副使一員係正統元年添設奉

勅提督學校兵巡下川東道副使一員係成化二十一年添設駐劄達州奉

勅整飭兵備兼分巡下川東地方建昌兵糧道副使一員係成化二年添設管轄建越會鹽等伍衛冕山鎮西

等伍所印部馬喇等四土司分巡下川南道副使一員成化初年添設原係兵備隆慶三年裁革分巡下

川南僉事將分巡事務併歸兵備兼理改為兵巡下川南道至萬曆二年克平九絲復設僉事將兵巡下

川南道改為分巡下川南道駐劄瀘州松潘兵備道副使一員係天順元年添設駐劄松潘衛奉

勅整飭松潘兵備綜理糧儲操練軍馬撫治羗夷威茂兵備道副使一員係弘治十六年添設駐劄茂州奉

勅整飭威茂兵備綜理糧儲操練軍馬撫治羗夷安綿兵備道僉事一員係成化十二年添設原係副使至正

德八年改僉事駐劄綿州奉

勅整飭安綿石泉江油龍安等處兵備事務仍兼督利州衛并保寧府官軍民快以上守巡兵備各道其建置

駐劄或以山川險遠土司間雜彈壓藉守之重或以邊夷悍黠道路艱梗控馭須位望之隆各有專責無容議裁外又查得布政司督糧道右叅政一員係成

化二十三年添設奉

勅督理糧儲帶催料價其任雖重今查右布政使清軍事簡糧儲委宜歸併兼管又查得按察司鹽茶法水利驛傳道僉事一員

會典內開景泰七年令四川按察司分巡官一員禁約私茶弘治四年設按察司僉事一員提督水利嘉靖四年奉撫按會

題以水利兼管茶法隆慶三年又奉撫按會

題將鹽課事務歸併水利茶法一道管理萬曆三年又奉撫按會

題將驛傳事務歸併鹽茶法水利共為一道以僉事一

員管理駐劄省城奉

勅三道內一道開載管理驛傳一道開載管理水利一道

總開管理鹽茶法水利驛傳今查鹽茶水利驛傳雖

云四事務簡而易理其清軍屯田副使事務亦簡前

項鹽茶水利驛傳俱應歸併兼管又查得按察司

馬廬兵備僉事一員先成化初年添設分巡下川南

道僉事一員至隆慶三年將分巡下川南事務歸併

敘廬兵備道將僉事裁革至萬曆二年克平九絲復

奏設僉事兵備駐劄建武所奉

勅整飭敘馬廬兵備凡一應善後事宜會同總兵官協心

經理開闢道路招集遠近居民授田耕種經今七年

一應善後曲盡事宜在田萊則無不墾在道路則無

不開城堡咸修黎庶安堵自今以往雖止使一安邊

同知監督建武所千百戶等官保障其地亦可永永

無虞况又有總兵鎮守而錢糧又有分守道稽查且

下川南一道止二府一州僅有十三縣之地而以三

道統之民情咸稱煩擾兵備似當仍行裁革事務仍歸分巡兼管照舊改為兵巡下川南道於瀘州建武所各半年輪駐以整飭兵務以上三道揆之事體參之輿論咸謂裁革歸併為便呈乞會

題等因呈詳到臣案查萬曆八年閏四月十六日准吏部咨該本部題奉

聖旨蘇松管糧叅政依擬裁革應天巡撫還着照舊駐劄蘇州府以便催督控制近來各地方偶因一事輒議增官殊為煩擾且滋推諉今後有議添官的你部裏務要斟酌停當方與題覆有懷挾私意規避躲閃的即便指實叅究其邊腹地方近來兵備守巡及武職叅遊等官添設亦多俱非舊制着各督撫及巡按御史一一查議

有該裁革的具奏裁革以稱朝廷省事尚實之意欽此

欽遵移咨前來又准本部咨煩將原

題裁省官員事理限本年閏四月終回

奏本年五月二十四日又准吏部咨該本部題奉

聖旨是各省督糧道官除淮安浙江江西湖廣糧多押運着照舊存留其餘應否裁革歸併右布政總管還着各撫按官作速從公議擬停當具奏還立限與他欽此欽遵合咨前去煩照覆奉

欽依內事理欽遵施行定限本年七月終回

奏等因俱移咨前巡撫都御史王 已經備行查議

去後今具前因該臣會同巡按四川監察御史劉天衢議照四川三面臨邊九夷環列山川險阻地理廣

閩松潘威茂安綿建昌壤接番境兵備駐劄俱要害
之區川東川南川西川北地多窮谷守巡分署皆適
中之處一則控制諸番修邊詰戎一則駕馭土司弭
盜安民其管轄各遠而責任皆重以上道分官員據
該司會查無可裁革臣等仰奉

聖旨再四審度委難輕議惟督糧與鹽茶法水利驛傳二
道各務雖云煩重然藩臬清軍二道政事實簡皆可
兼攝敘馬瀘道原因都蠻初平

奏設兵備用藉經理善後即今事寧民安兵備事務允
宜仍舊歸併分巡管理伏望

皇上

勅下吏部再加詳議如采臣等所擬不謬將督糧事務歸

併右布政使鹽茶法水利驛傳事務歸併清軍屯田
副使各兼管敘馬瀘兵備事務仍歸併分巡兼理照
舊改爲兵巡下川南道於瀘州建武所二處各半年
輪駐以整飭兵務 請給

勅書三道分發遵行原 降督糧道

勅鹽茶法水利驛傳道與敘瀘兵備道各

勅并關防徑自

奏繳清軍屯田道

勅關防及分巡下川南道印暫留捧使俱候題

請更換至日另繳見任督糧右叅政趙睿敘馬瀘兵備倉
事李之茂各照部議暫令回籍遇缺先行推補鹽茶
法水利驛傳倉事丁元復見赴京進

四川縣志卷二十
表相應就近改補庶存革宜而地方有賴供億省而民困獲蘇矣等因會題去後今准前因擬合就行為此案仰該司官吏查照咨案備奉

欽依內事理將督糧事務歸併本司右布政使管理仍行各分守道督催并轉行按察司將鹽茶水利驛傳事務俱歸清軍屯田副使兼管敘馬廬兵備事務歸併分巡副使兼理照舊改為兵巡下川南道於瀘州建武所二處各半年輪駐整飭兵務其清軍屯田副使鄭一信分巡下川南道副使范燧俱候該部請給

勅書關防行事裁革各道并清軍屯田道

勅書關防分巡下川南道印各另
奏繳叅政趙睿僉事丁元復李之茂俱暫令回籍候補

俱毋違錯未便抄案依准呈來

裁革佐貳官員疏

欽差巡撫四川等處地方都察院右副都御史張 為查議裁革佐貳官員事准吏部咨該本部題文選清吏司案呈奉本部送吏科抄出巡撫四川等處地方都察院右副都御史張 題稱議裁保寧府等衙門通判等官及將魚洞石門一驛移置土關壩等處各道中地方以上各遺下事務歸併管理各一節為照前項府衛州縣佐貳首領并雜職等官委屬冗閑俱應裁革既經巡撫都御史查議具題前來相應覆

請合候

命下將四川保寧府管糧通判一員宗慶州合州眉州

定州廣安州管糧判官各一員長壽縣江津縣大足縣銅梁縣富順縣江安縣管糧主簿各一員建始縣慶符縣捕盜主簿各一員會川衛知事一員雅州廣益倉建昌免山倉副使各一員巴縣銅罐驛江津石羊驛江安縣董壩驛驛丞各一員布政司碶門茶課司大使一員俱行裁革各官遣下原管事務悉聽巡撫官酌議歸併應裁茶課司并各驛條記另行奏繳一應俸廩柴馬門皂等項並免編派見任并候缺各官俱起送赴部改選仍將巴縣魚洞水驛移于本縣土開壩江津石門水驛移于本縣白沙鎮各適中地方住劄二驛既經移置條記似當改給伏乞

欽改驛名移咨禮部鑄換條記其原給魚洞石門貳驛條記聽候另繳等因萬曆九年四月二十二日太子太保本部尚書王 等具題二十四日奉

聖旨是驛名改做土開壩白沙鎮欽此欽遵擬合就行為此合咨前大煩查本部題奉

欽依內事理欽遵施行等因准此卷查先該本院題據四川布政使司呈准本司分守川西道左叅政蔡叔達按察司分巡川西道僉事楊言各牒回稱成都府崇慶州原設判官二員一員管糧一員捕盜吏目一員查得該州事務甚簡應將管糧判官一員裁革糧務歸併捕盜判官兼管又准分守川東道左叅議張稽古兵巡上下川東道副使吳與言戴燿各咨牒回稱重慶府合州原設同知一員清軍判官二員一員管

糧一員捕盜吏目一員查得該州事簡應將管糧判官一員裁革糧務歸併清軍同知兼管長壽江津大足銅梁四縣各設縣丞一員清軍主簿各二員一員管糧一員捕盜典史各一員查得各縣政簡官多應將管糧主簿各一員裁革糧務歸併清軍縣丞兼管巴縣水路至江津縣止一百二十里中有銅罐魚洞二水驛各設驛丞一員望途不遠於內應將銅罐驛裁革將魚洞驛移於適中地名土閣壩江津縣至漢東驛止一百一十里中有石門石羊二水驛各設驛丞一員於內應將石羊驛裁革將石門驛移於適中地名白沙鎮各建立其銅罐石羊二驛原額錢糧夫船俱免編夔州府建始縣原係一知一典後因鄰壤土司

多盜添設土簿一員即今盜賊寧息本官應該裁革其捕務應責典史管理又准分巡上川南帶管分守上川南道僉事田樂義牒稱嘉定州原設同知一員清軍判官二員一員管糧一員捕盜吏目一員眉州判官二員一員管糧一員捕盜吏目一員各州雖云直隸事務頗簡應將管糧判官各一員裁革糧務嘉定州歸併清軍同知眉州歸併捕盜判官各兼管雅州廣盈倉原設大使副使各一員近奉文將各軍應支月糧扣屯糧本邑餘剩應支米不過百石大使一員足以收支副使一員相應裁革碶門茶課司額設大使一員徵收天全招討司地畝葉茶三千斤折銀一十二兩已奉文歸附雅州徵解本官在任無事

應該裁革又准建昌兵糧道副使范崙牒稱建昌
 井寧番越篤四衛經歷司各止有經歷一員惟會川衛
 經歷司經歷知事竝設知事誠為冗員應該裁革
 山倉大使副使各一員該倉糧數不多大使一員足
 以收支副使一員應該裁革又准敘馬廬兵備帶管
 守巡下川南道僉事李之茂牒稱敘州府富順縣原
 設縣丞一員清軍主簿二員一員管糧一員捕盜典
 史一員查得該縣事不甚繁應將管糧主簿裁革糧
 務歸併清軍縣丞兼管慶符縣原設一知一典成化
 十七年增設捕盜主簿一員地僻務簡主簿仍應裁
 革捕務應責典史管理瀘州江安縣縣丞一員清軍
 主簿二員一員管糧一員捕盜典史一員該縣稅糧

不多邑事頗簡應將管糧主簿裁革糧務歸併清軍
 縣丞兼管又江安縣董壩水驛設在江安納谿二縣
 水路之卜上至江安三十里下至納谿二十里程途
 不遠中設一驛過於冗濫應該裁革原額錢糧夫船
 免編又准分守川北道右叅政凌琯分巡川北道僉
 事王廷各咨牒回稱保寧原設同知一員清軍通判
 貳員一員管糧一員捕盜推官一員理刑查得本府
 所屬錢糧易于完解催徵不煩應將糧務歸併清軍
 同知兼理管糧通判一員應行裁革順慶府廣安州
 原設同知一員清軍判官二員一員管糧一員捕盜
 吏目一員本州糧少易完管糧判官一員應該裁革
 糧務歸併清軍同知兼管合行咨牒前去煩為轉報

等因到司該本司左布政使劉庠會同按察司按察使胡定查議得設官所以治民官多則民擾裁官可以省費官省則民安四川僻在一隅山高地瘠事簡民貧郡邑佐貳設多冗濫除成重夔叙等府潼瀘雅漢等州成華巴宜等縣并各該儒學倉巡驛遞等官或膺清戎撫捕之司或任監牧問理之寄或司訓迪而風化教育之攸關或當要衝而傳送盤計之是賴各有專責不敢妄議外查得保寧順慶敘州三府所屬皆卜州縣而順敘一府各止通判一員保寧府錢糧素亦易完乃多設管糧通判一員崇慶合州嘉定眉州廣安伍州長壽江津大足銅梁富順江安六縣糧務員不繁雜各多設管糧判官上簿一員建始慶符二縣山寇久平前添設捕盜主簿各一員併會川衛經歷司知事一員雅州廣益倉走馬晁山倉副使各一員委皆過冗巴縣銅罐驛江津縣石羊驛江安縣董壩驛上下相距縣驛各不甚近天泉茶課既歸雅州碇門茶課司大使及吏役委屬贅疣以上各官委皆應議裁革魚洞驛移土開壩石門驛移白沙鎮地里委各適中呈乞會

題等因詳由到臣據此查萬曆八年十月內准吏部咨該山東撫按官何起鳴等

題朝城縣等衙門縣丞等官應該裁革本部覆議為照天下各府州縣佐貳官并雜流各官中間有可以裁去者可以兼併者甚多各省直撫按上憑司道與各

地方掌印官拘泥不行開陳蓋惜僚屬更調之煩忘
朝廷節約之惠合無移咨各省直巡撫都御史及咨都察
院轉行巡按御史從公會議悉如山東作速議裁等
因題奉

欽依備咨前來限次年三月終回

奏准此已經行司查議去後今據前因查得前事係撫
按會議而巡按缺人考成期迫該臣議照保寧崇慶
等府州縣管糧通判等官一十二員稽其職掌所專
各止催徵一事况總理又有堂官而糧解率多素易
且清軍之官事務亦簡而催糧之政歸併為宜建始
慶符貳縣捕盜主簿二員初各以山寇之發而議增
今仍當以山寇之息而從革魚洞石羊董壩三驛路
近而驛太密碶門茶課一司事去而官猶存衛經歷
本屬閒局而知事之設尤冗廣盈冕山倉糧既少而
副使之員亦督所據司道議裁前項官員參之輿論
魚同揆之事體省便相應題

請伏望

皇上

勅下吏部再加查議如果相應覆議上

請定奪將保寧府管糧通判一員崇慶合州省州嘉定廣

安五州管糧判官各一員長壽江津大足銅梁富順

江安六縣管糧主簿各一員建始慶符二縣捕盜主

簿各一員會川衛經歷司知事一員雅州廣盈倉建

昌冕山倉副使各一員銅罐石羊董壩二驛驛丞各

一負碶門茶課司大使一員并驛司衙門吏役俱行
裁革其各糧務保寧合州嘉定廣安俱歸併各府州
清軍同知崇慶眉州俱歸併各州捕盜判官長壽江
津大足銅梁富順江安俱歸併各縣清軍縣丞各兼
管建始慶符二縣捕務專責各縣典史管理裁去各
官內合州管糧判官富順江安二縣各管糧主簿慶
符縣捕盜主簿并巴縣銅罐驛江安縣董壩驛各驛
丞俱各員缺免其選補外見任管糧保寧府通判郭
城崇慶州判官譚益典嘉定州判官錢適眉州判官
吳燦文廣安州判官何景文長壽縣主簿陳天爵江
津縣主簿徐牧大足縣主簿張世登銅梁縣主簿王
言建始縣捕盜主簿潘廷學會川衛經歷司知事陳

效雅州廣益倉副使賈環碶門茶課司大使劉大寧
建昌冕山倉副使鄧雲龍江津縣石羊驛驛丞徐徹
俱起送赴部改選各官俸薪柴馬門阜并各驛錢糧
夫船各照負缺日期扣收官庫查照近例造報起解
仍通候審編及起徵之日減編減派印記另行

奏繳吏役改撥魚洞石門二驛移置俱行臣遵照施行
庶在位無冗濫之官在民省供應之困矣等因已經具
題去後今准前因擬合就行為此案仰該司官吏照咨案備奉

欽依內事理將保寧府管糧通判一員崇慶州合州眉州
嘉定州廣安州管糧判官各一員長壽縣江津縣大
足縣銅梁縣富順縣江安縣管糧主簿各一員建始
縣慶符縣捕盜主簿各一員會川衛知事一員雅州

廣盈倉建昌冕山倉副使各一員巴縣銅罐驛江津
縣石羊驛江安縣董壩驛驛丞各一員碶門茶課司
大使一員并驛司衙門吏役俱行裁革各官遺下原
管事務保寧府合州嘉定廣安俱歸併各府州清軍
同知崇慶眉州俱歸併各州捕盜判官長壽江津大
足銅梁富順江安俱歸併各縣清軍縣丞各無管建
始慶符二縣捕務專責各縣典史管理應裁茶課司
并各驛條記齋院奏繳一應俸廩柴馬門皂等項鉉
免編派見任并候缺各官俱起送赴部改選仍將巴
縣魚洞水驛移于土開壩江津縣石門水驛移于白
沙鎮各適中地方駐劄二驛條記候禮部鑄換新條
記至日另繳仍通行按察司及各該道一體欽遵施

兵防

漢書天文志紫微二垣將衛環列聖王則之爰設大
司馬將軍羽林騎官皆上應星象下揚國威斯非兵
事權輿哉蜀自開明之攻蠶叢保帝之攻青衣及武
王伐紂巴實從之最號勇銳則蜀之有兵迹矣漢昭
烈用以抗衡吳魏自後代咸有備

明興瞿峽揚旌明昇出降丁大夫授鉞松潘宋尚書開府
益部轅門電燭將閩星屯威武奮揚兵政有統二百
年來防禦孔固茲誓其大端志之而以八陣圖說附
見焉

自周武王伐紂及庸蜀羌髳微盧彭濮人始見於書秦

惠王遣司馬錯率巴蜀之士十萬浮江伐楚取商於之地為黔中郡漢高帝發實兵定三秦漸紀於史諸葛武侯治蜀以八陣法教閱戰士及劉禪之降也曰士十萬二千晉王濬用蜀兵伐吳成卒八萬梁武陵王紀在蜀罷甲啟積有馬八千匹唐元和郡縣志劔南節度管兵三萬四千七百人馬三千匹蓋唐止備西南二邊故兵數不多蜀王建武成二年講武於星宿山步騎二十萬官馬八千私馬四千後唐明宗天成元年蜀騎兵三千步兵二萬四千孟知祥增置六千人營羅城內萬六千人分戍管內州縣四千人分戍都境內六千人分戍濱江諸州長興三年知祥克遂闕利夔黔梓六鎮得南兵三萬孟蜀之兵垂十萬矣孟昶之降也徐妃有四十萬人齊解甲之句則五代已前蜀兵之數可考也宋初蜀中地遠切於防微凡弓弩鎗劍民家不得私藏乾德三年冬始招置克寧兵士指揮以千人為額四年又以老小歸降者添招為千人號羅城指揮又以糜棗堰衝決招防河一百人五年又招威棹兵七千人咸平四年升克寧威棹羅城守城兵士八百人為忠勇指揮教閱有御陣法其法備載趙清獻公成都古今記宣和間効中二指揮自陳留遣至橋道一指揮自何陽遣至威武一指揮自長葛遣至雲捷一指揮自尉氏遣至勇捷一指揮自長垣遣至廣勇一指揮宣武二指揮自殿前司遣至皆客兵也騎射一指揮忠勇二指揮安遠一指揮武寧四指揮皆主兵也凡四千二百五人乾道九年

...

薛季益遴揀一千五百人名曰飛上軍淳熙二年范成大增作二千五百一十二人結為三十八隊外二千二百五十三人結為常隊其教閱有備武堂分番按試各隨事藝支賞有差邛蜀等州不在其數元世祖平蜀之後立萬戶府以統軍士遇方面有驚則置行樞密院以總之事已則廢軍士有蒙古軍探馬赤軍漢軍獨戶軍蒙古軍皆國人探馬赤軍則諸郡族也發民為卒曰漢軍以甲乙戶出一人曰獨戶軍至元七年命成都府民三萬一千七十五戶僉義士軍八千六十七人九四川腹裏萬戶府曰成都等路萬戶府保寧萬戶府叙州等處萬戶府夔路萬戶府廣安等處萬戶府重慶五等處萬戶府嘉定萬戶府順慶等處萬戶府以兵重務漢人不閱其數雖職專軍旅者惟長官一二人知之其數莫考焉

明興各府州皆建衛所而隸以兵又設都指揮使司統之其關要重地則或以勳臣總鎮或以叅遊守禦而府州縣又編僉弓兵民壯以時操演用備不虞其長駕遠馭之畧不超軼三五款

八陣圖

八陣圖諸葛孔明作在府城北七十里新都彌牟鎮有廟存焉趙清獻公集記曰武侯於八陣鄉以二為隆基凡一百三十所蓋左右六十四前二每基下五六寸背仁石也耆老相傳其石蓋六數武侯於此教戰陣出入之法舊記謂四回開四門起六十四魁應六十四卦八

八為行周回四百七十一步所謂六十四魁但得其半耳王恭簡公續記曰眉州賢良王當嘗論八陣法刻石廟下論云八陣之法四奇四正基部壁立其體皆方奇正相生風旋日暈其用皆圓蓋方利於正方其體則其勢固密故其徐如林不動如山難知如陰此所以為不可犯也圓則於動圓其用則其勢健決故其動如雷其疾如風侵掠如火此所以為不可禦也其體雖方而圓在其中其用雖圓而方在其內此所以為不可測也奇正相循出入往來如環之無端體用迭作合散變化如神之不窮圓之為用如身使臂如臂使指雖五旅之師師如一身如木百圍根株相連各有體統交禦相屬各有條理雖五師之軍軍如一本故其法曰紛紛紜紜闐

闐而不可亂渾渾沌沌沌形圓而不可敗圓之為利其來久矣圓之為用務以刃其勢而散其兵疑其心而亂其目勢分則陣薄兵散心氣怯心疑則易却目亂則易眩圓之為用以將雜卒下恃其將以強雜弱弱恃其強將卒相恃理必俱勝強弱相恃勢不偏敗突出爭先鷹揚兔脫不可拒也併力並怒齊勇如一不可逼也其氣益銳則其節益險如驚山巨浪不可涉也如層崖峻谷不可越也使敵得之如燕之著網魚之在苟虎之陷穿是以其將可却其兵可殺其重不可脫八陣之法也營室之法四奇四正屯亦如之戰陣之法左旋右轉教亦如之教之有法必欲其誠誠則久久則天天則神故前後相屬首尾相接如得一天如出於地莫知其所以然

而然者入於神也教之法築土為壇其形皆圓其教皆八壇之高下與人相稱壇之闊狹與陣相稱奇旋向左正旋向右旋向左者攻在外也旋向右者攻在內也或旋向左或旋向右便其用也或攻在內或攻在外亦其例也教之為法在家則依比閭族黨之儀在軍則依五兩卒旅之法使之更相親視有無相通患難相救疾病相扶自此以上皆文官主之教之忠厚教之正信教之孝友睦婣教之禮義廉恥自伍以上皆武官主之教之出入變化教之射御擊刺教之先登啓行教之破陣劫將在家書其美惡而辨其賢愚在軍記其勇怯而別其利鈍歲終則以功行善次而進退之使之剛而不暴勇而知義入則可與同其安出則可與其危故可生

為言強也益之為言阨也此昔聖賢察風俗按形勢而名之也故其人疆以精敏嗜義負勇其地山屏水塹險介重阻沃塗叢嶺俱幅員萬里壯以劍門為根東以魚復為守此二者蜀之襟喉局關也戰國交侵楚肅四年始建扞關突在魚復置江關都尉以魚復始尉治東漢省尉為關如故秦張儀說楚謂下水而浮不十日而距扞關蜀李雄說公孫述謂東守巴郡拒扞關之口皆指此蓋魚復之有關無事則嚴封域察姦軼有急則扼險要扞凌暴有國者宜致謹也嘗考諸古劍門以漢中武都為屏蔽失漢中武都則劍閣不足賴矣魚復以秭歸夷陵為保障失秭歸夷陵則魚復不可恃矣考秦以下迄本朝舉兵定蜀者九十有二唯秦司馬錯漢來歙魏鄧艾鍾會符秦楊安後魏尉遲



迥隋梁睿唐高宗文後唐郭崇韜本朝王全斌實出劍門
陰平道至若吳漢岑彭諸葛亮桓溫劉敬朱齡石及劉光
義皆擁舟師西指遡江和關麾城擗邑易如拾芥何者皆
以先得秣歸夷陵也漢照烈襲取劉璋既壯收漢中即東
爭夷陵嗚呼若照烈者可謂知保蜀矣功之不遂天也然
劉禪繼世猶以苟安者徒以與孫氏交歡耳且蜀與吳楚
為唇齒之國兩全則固一失則危是以自古欲圖江南者
必先奄蜀何者地勢便兵力接也秦取楚晉取吳隋取陳
耀兵上游舫舩載卒乘流而東曾不頓一乃折一矢而荆
揚之區已望風褫氣矣符堅伐晉亦分軍而下不幸融之
兵先敗於淝水故不能成功以此知英雄圖事後先一際
然則蜀之重也審矣或言蜀人嗜亂喜禍故所以制禦操
其兵銳於攻剽而不可不約以節制自周武伐紂漢
高定秦王濬平吳蕭紀威敵咸藉蜀兵其大槩可觀
矣孔明治蜀以八陣法訓練士卒故其兵當魏之強
而不少挫今陣蹟具存而其法則近世名將多未之
講嗟乎豈孔明之獨有神解哉岳武穆曰運用之妙
存乎一心何至用古兵法然武穆之兵以少敵衆所
向披靡未必無節制之法第不輕語人耳茲志兵防
稍次第其語併列八陣二圖於左俾握籌者或有攷焉

木政

有國者不能不事營建則不得不資於材木矣易言
上棟下宇取諸大壯詩言松栢九九寢成孔安而豫
樟梗楠干青霄以直上其長千尋其大百圍宜其棟
明堂柱清廟而為世植幹也雖然滋養之不豫保護
之不至則何以儲材於有用噫司邦衡者其慎培植
之勿摧折之哉

山林川澤古有厲禁王政之始也今四川建昌產杉木
馬湖永播而下專產楠木為國家梁棟之需歷代南中
不賓斧斤無得而入焉洪武初年建置城郭都邑後開
封蜀王營建藩府皆取蜀材永樂四年

詔建北京行宮



勅工部尚書河南宋禮督木前後凡五入蜀監察御史顧
佐亦以採木至而少監謝安在蘭州石夾口採辦親冒
寒暑播種為食二十年乃還正德六年乾清宮災
勅工部侍郎兼右僉都御史安福劉昂巡撫總督營建正
德十一年又遣郎中李寅催督採木嘉靖五年
勅工部右侍郎兼右僉都御史黃衷督木九年
勅巡撫右僉都御史鉅野宋滄兼督木十九年議建
獻廟勅右副都御史戴金督木憂去婺源潘鑑來代二十
二年採辦枋板以巡撫都御史進賢張臬兼督木一十
六年三殿災
勅工部右侍郎劉伯躍督木躍憂去而以徽州李憲卿代
之四十五年修建承天等殿

勅巡撫都御史宜黃譚綸兼督木後成都知府何寬紆筆
採運與有勞焉

蜀木惟楠為貴然品不一也真楠有四香楠色如茶褐
細膩極香杉楠其色微黃條直無節斯二者棟梁之選
也鬪栢楠其色如褐如滿架蒲筍千百中僅一二也鐵
頭楠一名拐子楠其色黃黑極堅而沉水難以達於
廟材大而難為用者也此外有雞屎楠黃心楠牛舌楠
潤楠此四者皆非棟梁之具也然美楠多空灌諺曰大
灌到底地灌天下天灌者末弱也地灌者本弱也

謹按蜀材之為營建利也舊矣然採運之役有未易
言者或謂有採辦之官則山無遺材有督拖之官則
工無惰役有督餉之官則民不告匱有積放之官則

業不停積有解運之官則厥不妨務此採木之大計也然每一採木必報大戶而大戶入山糜費百端勞苦萬狀所數百金僅得一木因致傾家貽累子孫者比比然也噫牧民者可不亟為之慮哉

四川總志卷之二十一

經畧三

嘗觀見山桂公論四川形要謂劔閣表雲棧之固瞿唐鎖巴峽之流界以蕃族阻以蠻部然松潘以孤城介在蕃域而寄咽喉于龍州千里轉運輒為遮掠斯則巴西之隱禍也此其為巴蜀慮至深遠矣夫有道之世守在四夷昔人類言之至其守邊固圉之畧則有未易談者噫無已則順其時而嚴為之備審其勢而豫為之防使其可制者常在彼可恃者常在我斯亦為算之勝乎握樞筦者試慎思之

南詔

唐之南詔即今雲南府地初置昆州後為蒙氏所據

玄宗天寶九年鮮于仲通爲劍南節度使性褊急失
蠻夷心南詔閣羅鳳與妻子謁之過雲南太守張虔
陀皆私焉又多所徵求不應輒責辱且密奏其罪鳳
忿怒發兵反攻虔陀殺之明年仲通率師致討鳳遣
使謝罪請還虜掠且言不許當歸命吐蕃仲通怒囚
其使進軍爲所敗鳳遂臣吐蕃揚國忠奏發天下兵
俾留後李宓討之鳳誘之深入至太和城堅壁不戰
宓糧盡士卒瘡疫死者十七八乃引還蠻追之全軍
皆沒乘釁攻陷雋州大曆十四年十月吐蕃南詔率
衆一十萬入寇一自茂州過汶川及灌縣一自扶州
汶川過方維白壩一自黎雅過邛崃關陷郡邑乃發
禁兵四千邛龍范陽兵五千命李晟等討破之斬首
八九萬復茂州貞元三年韋臯領劍南節度招撫南
詔內附四年吐蕃寇瀘北臯遣兵擊破之五年復雋
州八年攻維州獲其大將九年拔吐蕃五十柵斬首
二千餘級投崖谷死者不可勝數貞元十七年臯遣
將將兵二萬出成都西山南北九道並進破吐蕃于
雅州轉戰千里拔城七軍鎮三焚堡百五十斬首萬
餘級圍維州吐蕃遣大相論莽熱將兵十萬往救臯
兵設伏邀之獲論莽熱殺其士卒大半自後西邊寧
靖太和三年杜元穎鎮西川以文儒自高不練戎事
減削衣糧士卒怨憤南詔知之遂謀入寇邊州屢陳
不信十一月南詔用蜀卒爲鄉導襲陷雋戎邛州逼
成都入其郭劫玉帛子女而去咸通十一年復入寇

所至燒劫時太平日久成都無墻塹始脩城十月蠻賊圍城矢石如雨鼓噪動地節度盧耽乘城固守不敢出十二年春鳳翔山南兵至蠻大敗走至阆江卿兵設伏邀擊又敗之十四年十一月復入寇造浮梁濟大渡河兵馬使黃景復俟其半濟擊之蠻軍敗走斷其浮梁會濟師至復回屯河岸分兵潛出上下流筰笈夜渡襲破諸城柵進至新津而還明年高駢為劔南節度使發兵追殺甚衆擒其酋長數十人修復邛峽關大渡河諸城柵各置兵數千守之自是蠻不入寇蒙氏後歷鄭趙楊三氏至大理段氏世有其地元初置善開萬戶府至元中改中慶路今屬雲南布政司

西番

西番卽吐蕃也其先本羌屬凡百餘種散處河湟江岷間其酋發羌唐吐等居析支水西後有樊兄者西濟河踰積石居歧布川或邏婆川隋開皇中有論贊索者居牂牁西唐貞觀中始通中國既而滅吐谷渾盡有其地至唐末衰弱種類分散入內屬者謂之熟戶餘謂之生戶

文宗太和四年李德裕為西川節度使簡屬兵羸弱者去四千餘人復募少壯者千人募壯兵得千五百人與土兵參居轉相訓習日益精練所作兵器無不堅利威聲大振吐蕃大酋悉怛謀舉維州來降德裕遣兵據其城且奏其狀帝使羣臣大議皆請如德裕策

牛僧孺曰吐蕃繇地萬里失一維州未能損其勢比
來修好罷戍中國禦戎守信為上應敵次之彼若來
責何故失信養馬蔚如川上平涼坂萬騎綴回中怒
氣直辭不三日至咸陽橋此時西南數千里外得百
維州何所用之徒棄誠信有害無利此匹夫所不為
况天子乎上以為然詔德裕以其城及悉怛謀等歸
之吐蕃誅之境上武宗會昌三年德裕言維州據高
山絕頂三面臨江在戎虜平川之衝是漢地入兵之
路初河隴盡沒惟此獨存吐蕃潛以婦人嫁此州門
者二十年後兩男長成竊開壘門引兵夜入遂為所
陷號曰無憂城此得以併力西邊憑陵近甸常舉欲
經畧河湟須此城為始急攻數年卒不可克臣到西

蜀空壁來歸南蠻震懾山西八國皆願內屬可減八
處鎮兵坐收千里舊地且維州未降前一年吐蕃猶
圍會州豈顧盟約當時不喜臣者望風疾臣詔送悉
怛謀等命彼自戮臣累表陳論乞垂矜宥答詔嚴切
竟令執還將吏對臣無不隕涕番帥即以此人戮於
境上絕忠款之路快克霄之情乞追獎忠魂詔贈悉
怛謀為右衛將軍宋時朝貢不絕其首領喃廝羅始
居鄯州後徙青州神哲高宗朝皆授以官元憲宗始
於河州置吐蕃宣慰司都元帥府又於四川徼外置
碉門魚通黎雅長河西等處宣撫司世祖時復郡縣
其地設官分職以吐蕃僧八思巴為大寶法王帝師
領之嗣者數世弟子號司徒國公佩金玉印章

者前後相望

皇明洪武間克元將月魯帖木兒賈哈刺設行都司於建
昌百年以來無復南警獨西邊松茂與雜蠻接壤為
害十年松茂諸蠻叛遣御史大夫丁玉討平之召集
諸寨酋長給以銀課俾各守地方蠻人以為世寶又
於東路設八節麻兒匪芒鬼者阿角寨四安撫司與
麥匪者多比定祈命腊匪牟兒結阿昔洞山洞勒都
忌曩兒占藏班班阿失包藏阿用潘幹白馬踏一十
七長官司俱隸松潘衛南路設長寧安撫司與岳希
蓬靜州隴木頭三長官司俱隸茂州疊溪鬱即二長
官司隸疊溪千戶所各降印信仍立酋長一人為上
官以世掌之上官之下每寨又有牌頭寨首之名使

於各衛所認納青稞差役

永樂間又於吐蕃建立董卜韓胡等宣慰使司雜谷
等安撫司以統蕃部茂去蜀近羌民漸被聲教間有
不逞者可以王法繩之惟松疊遠在荒服之外犬羊
之性難以招徠名雖土官實無所制且夷俗尚異端
故於松潘復立番僧二人為國師曰商巴曰綽領二
人為禪師曰黎巴曰完卜商巴事道黎巴事佛皆受
銀印令
撫諭之

宣德二年松潘千戶錢宏聞有交趾之役憚於遠征
乃誘蠻族入寇張虛奏報得留不遣蠻人自是煽禍
不鮮攻圍城堡

四川總志卷之二十一
五十一
朝廷遣都指揮韓整高隆調四川各衛官軍五十員名
征之至威州黃土舖失利道遂不通三年命總兵都
督陳懷劉昭叅將趙安將貴等陝西軍四萬由洮州
入松潘解圍懷增置城堡守備回京蠻猶弗靖八年
復遣都督方正調四川建昌貴州官軍討平之正統
四年都指揮趙諒誘執蠻酋國師商巴以犯邊被擒
奏聞遣都督李安征之尋誅諒蠻乃服然糧差不肯依
舊矣十一年僉都御史寇深提督軍務修飭營堡平
治道路於疊溪迤上添設普安靖夷鎮番三堡又於
麻荅崖青崗嘴畫佛崖海螺洞萬江崖沿山鑿石架
木懸棧糜費錢糧鉅萬軍民胥困而後人賴其利景
泰二年刑部侍郎羅綺繼練兵士設策制勝蠻酋王
允陰持兩端族之綺既還京都督文臣不復更置但
以按察司副使一員整飭松茂二路兵備永順五年
蠻復截我糧道入龍州安泉等處成化十一年蠻勢
益張按察司僉事林壁
奏請文職重臣提督乃

勅巡撫四川右副都御史張璠兼理邊務十二年贛調漢
七官兵五萬分布東南二路駐劄十月令都指揮沈
運李鎬等分兵攻城撥坪懦弱白羊嶺鵝飲溪大白
飲馬池通林等二十一寨攻破木瓜竹頭坪等寨斬
蠻四百餘人於是商巴等二十六族詣軍門獻馬納
款各諭以利害遣之十四年正月林僉事進攻黃頭
復水諸寨俘馘三百餘人克總兵領兵二萬攻西坡

等寨都指揮謝琳等為五哨一從靖夷崗一從插鼓坪合攻西坡一從回子嘴一從蕎壩合攻列四柯一直攻雙橋兒寨又選精兵萬五千人分哨別攻一從牛尾巴山口一從雙橋兒山嶺進攻樹底寨一從麻谷山口一從山嶺進攻麻谷寨一從未鎮堡山崗一從禪定山口進攻禪定寨一攻完撤寨前後殺獲男婦七百餘人赍其礮房九百墜崖死者不可勝計而都指揮謝琳指揮徐琮葉成等乘勝窮追牛尾巴蠻乘夜遮攻殺之我軍奪氣蠻亦困憊輸款乃與之平弘治間副總兵韓雄失機指揮上禧等陷沒番遂縱橫南路梗阻正德二年副總兵楊宏兵備高江誘殺緝鎮寺國師雪郎三出諸番糾合圍殺官軍甚眾自

後本寺小宛卜等動稱報讎松城之外不敢晝夜十一年副總兵張傑兵備胡澧整兵奮敵賊稍懼欽嘉靖間烏都鶻鷓鷄兒鷄公刁農五寨番蠻糾合黑虎等寨八百餘番攻圍長安等堡阻截南路勢甚猖獗十二年巡按御史朱廷立奏調漢土官兵七千分為六哨分守備指揮李葵鄧斌陳崇魯元忠宋連領哨夾攻間

朝廷又勅副總兵何卿自松潘來節制諸軍又勅都御史楊守禮提督軍務烏都等十一寨皆次第剿平又屠遮花寨於是黑虎等寨皆觀望寒心詣軍門送款僉議仍量給賞需以示柔遠之恩十三年巡撫都御史宋滄克平壩底白草諸寨諸夷獻侵地二千餘頃

又克平茂州鷄公寨十五年長寧等處深淺諸寨番蠻聲言復讎求索賞需兵備副使朱統督同參將遊擊將軍提兵搗巢擒其首惡餘黨俱以次降年例賞需盡行裁革至今西陲安靖諸蠻不復弄兵開邊隙矣大抵番人性耐饑寒壘石為巢居如浮屠數重門內以梯上下貨藏於上人居其中畜溷於下高一二三丈者謂之鷄籠十餘丈者謂之碉房每糧夫經行輒據險裝塘或隔河發冷箭或臨高擲石截軍索貨又貪而喜酒日就關堡索飲欲滿始歸見堡燹煙起即蟻聚而攢食之軍士每忍饑而死謂之和番官亦不禁且常假債負年例人命抱脚走失來保等項名色索要銀兩不得則執軍士為質往往有不能歸者

鵬剿處置人荒等三寨疏畧

巡撫四川都察院右僉都御史王 題為番蠻犯順

官軍奮勇鵬剿畏威投降事據整飭松潘兵備副使楊桂呈看得松潘設居極邊番種近多為地方患最桀驁者無如丟骨人荒沒舌三寨先年副總兵王詔以巡邊而礮石致有墜馬之兇通判王升以撫賞而擬刃幾有與尸之禍副使林應節到任家眷幾被所虜倉官朱奚放糧父子皆為所殺萬曆元年殺死安化關旗軍馮子義等七十餘名二年殺死歸化關軍人劉元等數十名三四五六等年劫搶東路糧運殺死旗軍人等不下數十名且又跳梁架嘴阻截糧運時或默地裝塘劫掠財物如戍軍之輪邊有新班錢

架梁錢放狗錢躡草錢索取無厭彼番之來堡有下
馬酒上馬酒解渴酒過堡酒吞噬多端連年犯順未
嘗一創以致肆惡敢於橫行請相機宜次第剿撫等
因呈詳到院批據議數事具見籌邊石畫非尋常漫
談者比其議鵬剿惡寨一節似不容已雖不大舉亦
宜先事料理以收萬全之功革去遊兵募養精銳良
爲有見但事關改設供應摘詳覆議以爲長久之計
餘俱如議行續據按察司呈蒙巡按虞 批據呈
數款具見本道留心綜理邊徼可恃以無患矣按察
司再議通詳該本司關行楊副使覆議得三寨陸梁
宜加誅剿但大征恐滋別寨疑畏未若鵬剿可以懲
一戒百回關本司酌議呈報在卷隨據提督歸化指

揮曹希彬報稱丟骨等三寨番蠻聞知委官松潘知
事余希顏放散歸化鎮平雷糧糾聚番衆意在搶奪
於安化關地名凝水溝埋汰突出殺傷哨軍二人指
揮曹希彬帶領千戶李世傑等奮勇對敵斬獲首惡
白臉兒等番級五顆奪獲馬匹器械乘勝追至地名
安貫頂用鳥銃打傷番賊數人三寨頭目在於各寨
借兵前來報復副總兵吳子忠親率官軍奮勇血戰
斬獲番級六顆鳥銃打死槍馱回寨者三十餘人指
揮史載勳亦率官兵於安貫頂攻打番寨鎮撫王世
恩領軍對敵于黃草嶺俱有斬獲楊副使亦親詣創
營處所申令各軍分布夾剿指揮曹希彬夜將丟骨
人荒小寨放火燒燬斬獲番級一十四顆指揮曹希

彬李世臣邊之垣史載勳李承芳守備康巒前後對敵斬獲番級共十七顆七年二月十三日丟骨寨番蠻突出指揮李承芳百戶王爵踞上進等奮敵斬獲番級二顆各番奔退占據欽坎銃箭傷死番蠻二十餘衆河西大小碉房五十餘座番積青稞約五六百石盡數焚燒楊副使會同副總兵吳子忠督發軍兵攻過河東與番交敵斬獲番級三顆銃箭傷死者四五十人軍威震懾夷衆寒心呷竹林洞等四十八寨喇麻番牌林禪堅定等六十餘名率領三寨牌頭人等連婦女老少於河下羅拜投降該楊副使將歷年三寨原未開載扁額賞需常例通行查出逐項譯諭除定數准存給領其不應賞者悉行裁革各番輸服感畏認守地方諭令各回寺寨分住等因具由通詳該巡撫王 看得四川要地莫重於松潘番蠻桀悍莫甚於三寨狼貪無厭虎噬為王出沒靡常縱橫日甚數十年來地方苦其荼毒莫敢一問者蓋以負山箐之險挾羽翼之衆故耳茲者仰仗

天稜肅將

廟筭先宣諭以攜其黨類隨捷伐以討其不恭將領齊心軍士戮力前後擒斬首惡群醜者四十五功而銃箭傷死無筭燒燬碉寨平房者六十八座而儲積稗糧一空膽落渠魁風聞各寨哀辭納款羅拜投降奉諭皇恩待以不死邊鎮之威聲大振軍民之積憤頓舒此蓋朝廷命令申飭於平時甚嚴故官軍奮勇報効於此日自

欽也所有各該効勞人員相應敘錄伏乞
勅下兵部再加查議將副使等官楊一桂等分別

恩賚以勵後効其去骨等寨番蠻投順出自真誠姑與從
新免究聽臣申嚴各該將領等官照常防禦勿因來
降稍踈隄備庶激勸所加人心益奮

恩威並著夷虜永懷矣等因奉

聖旨兵部知道該本部欽遵看得四川巡撫王廷瞻題稱
去骨人荒沒舌二寨番蠻節年為惡荼毒地方今該
道率兵鷓剿各夷畏威投降乞要將有功人員分別
恩賚及稱松潘兵備副使楊一桂副總兵吳子忠功當首
論指揮曹希彬等功當併論守備康鸞指揮史載勳
等功當次論總兵官劉顯亦當優敘各官勞績委可

嘉尚相應稍加酬勸以示激勵再照巡撫都御史王
廷瞻運謀決策恩威並用克有成績尤宜首賚示勸
伏乞

聖裁等因題奉

聖旨是王廷瞻賞銀二十兩紵絲二表裏劉顯等各十五

兩一表裏曹希彬等各銀十兩康鸞等各五兩欽此

謹按松潘居川省極邊之西諸番種落最號蕃庶
狼貪成性豺嘯靡常嘉隆以來益滋擴騫邊氓時
被劫掠莫敢誰何圍將咸紐因循未遑整旅蓋積
漸使然耳今廓清數十年陸梁之醜虜掃除千萬
里燭焰之妖氛諸寨畏威群夷破膽雖在兵巡將
領折衝於微外寔維撫臣石畫揮霍於胷中勝筭

足以伐其謀威令足以奪其氣說者謂御史大夫
丁玉戡定以來僅再見者其奉揚

皇威輯寧西土厥功豈但被及一方聲施一時已哉
疆吏畫守封圻壹以砥礪廉隅為安邊固圉之本
申明法紀為順治威嚴之策雖百世無番夷之憂
而鞏苞桑於永固可也

白草風村等番投順處置疏略

巡撫四川都察院右僉都御史王

為番夷投順

乞請號旗以安人心以靖地方事據安綿兵備僉事
黃德洋呈萬曆七年二月初一日據石泉縣申准提
督壩底指揮步天衢關報熟番余保引領肉兒掛寨
番牌餓拓等說稱各番不曾窩藏去骨人荒沒舌三

寨蠻子今與齊風村顛寺寨都備甲馬前來投降願
做百姓隨該帶同千百長等於索橋頭吊集齊風村
顛轉架孫兒掛肉兒掛把紅椒園子馬鹿坪龍藏着
殺開相灣壩底坪謝灣寺一十一寨番牌兒卜書餓
拓等到彼譯審各番願做百姓領白旗十一面插在
寨上等各寨蠻子知我們是

朝廷的百姓如地方有警調我們都來報効等情呈縣該
知縣李茂元會同守備宗綬親詣壩底查勘相同具
由通詳奉巡撫王廷瞻批旗號准製造給發字樣本
道徑自裁行彼之納款投獻情偽雖不可測而在我
隄防更加嚴謹毋得少懈餘如議行又蒙巡按虞懷
忠批各番誠心向化願來投順亦黨夷為漢之一端

也旗字候撫院裁定餘如議行蒙此備行石泉縣製
旗給發間又據守備宗綬呈據永平提督指揮劉澤
遠呈稱熟番羅背報稱白草野豬窩鵝引溪走馬嶺
剋劇嶺雍村坪張村埡浪壩寨照隊寨太白寨楊嶺
寨松壩寨落落坡石岡村青岡坡毛坡寨射溪溝等
一十七寨牌頭大刀孫子趙才等說稱近日村頭等
寨蠻子投降討得安生我這邊白草等寨生番商量
齊心亦出馬甲器械投降願做百姓望賞白旗認守
地方等情隨差千戶周際會等直至理經堂譯審各
番與前相同本道親詣溪所教場譯審各番委無虛
偽審得二十八寨總該男婦八千四百九十四名口
仍行各官譯審各番俱願戴帽更換姓名每年

萬壽聖節長至各番俱赴下頭每寨願輸黃蠟一斤以
灌燭之用該本道看復得各番在嘉靖二十三年叛盟
橫送僭稱偽帝及李保保將軍黑殺總兵等號襲堡殺
官致煩請將調兵聲罪致討今一旦歸順願為編民
重覆譯審各情無偽已經製造順字白旗分發各寨
領插應合批行布按二司再加會議將各番收入版
籍為民効勞人員呈乞獎賞激勸等因具由呈詳巡
撫王廷瞻批看得各番素稱桀驁一旦回心向化願
為百姓男婦約有八千誠為曠事至欲每逢

節旦輸蠟叩祝益見尊禮

天王之心翕然出於至誠非

聖明神武之世何以有此仰按察司再加查議以便會

四川總志卷二十一
十一
題其効勞人員一併分別敘錄通詳定奪繳又蒙巡按
虞懷忠批據呈白草等各寨番牌男婦數千傾心投
順誠哉奇事布政司會同按都二司覆議通詳該左
布政使劉庠右布政使李江按察使梁問孟會議得
風村白草等番先年桀驁侵擾邊境荼毒生靈叢雜
殲其渠魁未盡夷其種類龍安一帶時切剝膚之灾
松茂各邊每有震鄰之警茲遇

聖明御極

密勿運籌本院鞭撻松潘而三寨授首撫戢都蠻而九絲
格心乃今風村白草等番一旦畏威懷德納款輸誠
不惟方物畢獻聿修來享之儀而且醜類率歸盡入
編民之戶誠百年所罕觀者也所據投順各番允宜
收入版圖責令唐時舉任厚管束依期完納聽我調
用習我漢儀仍諭該邊官比前加謹不得弛備其有
功人員相應獎勸具由呈詳巡撫王廷瞻會同巡按
虞懷忠議照風村白草等番素恃虎負常逞鴟張盤
據各番之中密邇會城之地部落既衆控禦為難叛
服靡常撫綏不易實為門庭之寇殊切心腹之憂頃
因松潘三寨鵬剿投降又見威茂諸羌蟻封納款一
旦傾心歸化稽首來王計其部落則有二十八寨稽
其男婦則至八千餘人願為編民固有之矣而變易
番姓則前此未聞願貢方物固有之矣而從習漢儀
自今始見茲遇

皇上帝德覃敷於萬國

天威克震於百蠻閣輔忠蓋持衡而賢宣

廟筭本兵寅忱握筦而克壯邊猷以致無敵之勇守在四

夷不戰之功賢於三捷此二百年餘三蜀之所僅見

者也既經各司道重覆勘覈僉同効勞各官委當分

別敘錄其風村白草等番相應收入石泉版籍責令

通事唐時舉任厚管束依期貢蠟習學漢儀該邊防

守官宜照常加謹不得懈怠疎虞等因奉

聖旨兵部知道該本部覆擬將僉事黃德洋先行賞賚仍

與紀錄并將通判李茂元久任註銜宗綬仍以都司

職銜管壩底事務專一撫化番夷其風村白草等番

收入石泉版籍其餘一應事宜聽各該官員隨時酌

處務使降夷得所邊塞小安等因題奉

聖旨這番夷歸順巡撫官拊綏有功王廷瞻着吏部紀

敘用黃德洋賞銀十兩其餘依擬欽此

謹按白草齊風村顛諸夷皆西番種落也性甚陸

梁勢最猖獗嘉靖中渝盟偕號虎翼鴟張數十年

來頗為邊患民受荼毒未有一張皇而訊執之者

今一旦解左辮而服我冠裳脫蕃維而入我版籍

貢蠟識尊

王之禮請旗効歸順之心此非我

皇上威靈赫奕守臣猷略宣昭有以震警而招徠之則孰

使然哉昔常臯撫蜀而異牟尋獻奉聖之樂章及

贊皇籌邊乃悉怛謀歸維州之要地在昔咸揚詔

為休美事矣未有投順者二十八寨歸命者八千

餘名若今之邛隆者也抑且處置得宜或旁洽當嘉之有成命外夷懷之無疑心此又豈當李可得同軌而馳哉謹擬次于篇庶後守土者思緬厥式永靖西藩云

茂州羗民

茂州羗蠻地方數十里舊領羈縻九州皆蠻族蠻自推一人爲州將常在茂州受處分州舊無城惟植鹿角蠻以昏夜入州掠入畜貨賣遣州將往贖之習以爲常宋神宗熙寧八年范百常知茂州民請築城旣而蠻酋訴稱城侵其地乞罷築百常不許九年三月始興築靜州蠻數百奄至百常率州兵擊斬數人蠻乃退百常遷民入牙城明日蠻數千人四面焚鹿角及廬舍引梯衝攻牙城矢石雨下百常悉衆乘城拒守二酋長爲水柵所殺蠻兵乃却茂州南有鷄宗關通永康軍北有隴東道通緜州皆爲蠻所據百常募入間道詣成都又書木牌數百投江中告急蜀緜兵

救之蠻始解圍誓和自是蠻人稍定百常亦以築城
生患坐奪一官未幾生羗反北路遂絕羗凡和誓輸
牛羊棘耒耜各一乃縛劔門於誓場酋豪皆集引於
劔門下過刺牛羊豕血軟飲之掘地爲坎縛羗婢坎
中加耒耜及刺於上投石擊婢以土埋之巫師咀云
有違誓當如此婢

皇明設茂州以統羗民設茂州衛以統軍伍軍居城內民
居外城正德八年羗豪張敖劉芳焦拱等誘羗民圍
城欲殺指揮萬嘉言等赫銀七百兩敖畏罪反使其
黨唐茂誣奏言等受羗民錢伺勘官至復聚衆圍
之殺旗舍廖勿受陶惠等以脅勘官自是益橫動輒
攻城殺人十一年撫按官廉知其狀行揚兵滿擒敖
等殺之萬曆二年刁農窄溪等寨願納款降附知州
張化美偵知其情條議報之聞於

朝廷今爲編民

黎雅諸夷

夷卽天全六番諸部散居黎雅之間者宋時屢爲邊
患孝宗乾道四年威州保縣民探知風流等番部欲
入抄掠知縣張文禮閉絕蛇浴等山路不許番部來
往番從蛇浴嶺後斫生路至村攘劫宣撫司委知未
康軍李繁等領軍討之番部來降十一月砂平番酋
高志良至碉門互市與居民鬪山鶴不勝乃詣寨官
喻炳陳訴炳決責之志良銜恨去明年正月來攻碉
門制置司遣李俊禦之兵未至志良已有悔意欲償

還所燒寨舍更以錢贖罪守臣不能身任其事付之
兵官兵官既欲邀功而喻炳亦覲報怨遂潛入砂平
焚其屋廬番人初皆潛伏官軍乘勢虜掠番鳴角聚
衆以出官軍失利番人追至榮經蘆山而還乾道九
年青羗吐番奴兒結等坐黎州負其馬價侵掠安靜
塞推官黎商老等禦之敗死安撫司委鈐轄李彥堅
領軍往援青羗等始赴州悔罪買馬如故宣撫司以
擅與交和劾奏守臣王昉降兩官十一月復犯安靜
至大小壩殺虜軍民一千餘人黎州守郡降羊及通
判呂宜之乃招印部川蠻兵併力擊賊賊乃遁淳熙
三年五月奴兒結等同元虜漢人詣州州犒之提刑
司以擅與交和劾罷守臣秦嵩奴兒結等以互市久

不得通怨望白水寨將王文才與之婚姻復誘之擒

掠知黎州陸東之計梟文才于市

皇明於黎州設安撫司天全六番設招討司蓋以夷治夷
之志自洪武至今邊方以靜雅州所屬與招討夷人
時有爭訟者蓋境上相連勢使然也萬曆四年越嵩
衛所屬印部長官司土官嶺伯死妾沙氏與其孽子
嶺應昇爭印時應昇住越嵩城內惡夷阿堆阿阻咱
等擁沙氏至越嵩城外索印經過利濟站阿堆等燒
毀軍民廬舍後沙氏悔罪斬阿堆等自贖巡撫都御
史羅崧巡按御史何汝成會同上川南兵備僉事石
檟等議題

請照土官夫死妻繼事例令沙氏著管印信夷人悅服

敘瀘諸夷

瀘戎依山險善寇掠卽焚并苗獮等種是也宋時清井監在夷地吏或非人往往致寇真宗祥符中晏州夷斗望劫掠江安知縣秦職追之遇害民驚擾走保戎州轉運使寇斌令諸州集舡百餘載糧甲張旗幟擊鼓吹自蜀江下抵青浮壩諭近界夷族以大兵將至勿與望同惡未幾夷族順高等十八州刺史首領竝來乞盟立竹爲誓門刺猶狗鷄血和酒飲之誓同討賊賊乃署榜許以官軍至其境不殺乃賜之食未幾上命上懷信康訓符承訓爲巡檢使發兵三千同賊進討破之斬蠻五千餘焚廬舍萬數夷人震讐詣軍納牛羊器械自陳願代死求不寇邊搞以牛酒感

悅而去仁宗慶曆四年夷人又攻三江砦招安將史愛誘降之詔補二班班使未幾夷復至指揮使王用等擊走之皇祐元年夷酋斗落帥衆萬餘復圍清井監詔知益州田况發傍郡士卒及本監白方子弟幾二萬人討之兵死者其衆數月然後平神宗熙寧七年六姓夷又入寇命熊本經制之本嘗通判戎州習夷俗以蠻能擾邊者介十二村豪爲鄉導耳乃以計致百餘人梟之瀘川其徒股栗矢死自贖獨柯陰一酋不至本遣王宣討敗之追奔深入柯陰乞降本受之盡籍其丁田歸之官以其酋箇恕知歸徠州其子乞弟爲番部巡檢八年渝州南川獠木斗叛復詔本安撫之本進營銅佛壩破之木斗舉漆州地五百里

來歸建爲南平軍召本知制誥元豐元年羅苟夷反
詔韓存寶討之存寶召乞弟犄角討蕩七十岡村三
年乞弟率衆六千至江安責賞數日乃引去知瀘州
喬敘遣都監王宣以兵一千守江安仍奏以乞弟襲
歸徠州刺史召乞弟拜勅不出就賜之亦不見令人
取勅以去敘以賄招乞弟乃盟於納谿蠻以爲畏已
益悖慢遂圍熟夷羅箇牟族王宣救之一軍皆沒詔
存寶統兵三萬討之存寶不敢進乞弟送款約降遂
休兵于縣梓間四年存寶坐逗撓誅以林廣代將詔
熟夷揚光震併力討賊乞弟恐復送款上以其反覆
督廣進師廣破樂共城至斗滿村斬首二千五百級
次落婆乞弟納降廣盛陳兵受之乞弟疑有變引衆
遁廣追之自發納溪卽入叢菁無日不雨雪兵夫疾
病死亡不可勝計糧運不繼往往取僵屍鬻食之過
老八山山形劔立度黑崖至鴉飛不到山五年正月
次歸徠州天大寒軍士皆墮指求乞弟不可得上遣
密詔云如已破其巢穴雖未得乞弟亦聽班師軍中
皆呼萬歲乃還師行凡四十日築城于樂共江門若
梅嶺岩席帽溪西達清井東到納谿皆控制要害乞
弟旣失上窮甚無依而死於是羅始党斗然等諸酋
請依十九姓團結爲義軍從之自是瀘夷不復爲邊
患徽宗政和五年知梅嶺若高公老之妻宗女也常
出金玉器飲晏州夷酋卜漏等漏心豔之會瀘帥賈
宗諒以斂竹木擾夷部夷人咸怨漏遂相結因上元

張燈襲破梅嶺砦虜公老妻及其器物四出剽掠轉運使趙通聞之倍道趨瀘州賊攻長寧軍武寧縣宗諒皆遣將拒却之已而監押番虎誘殺羅始党族首領五十人蠻憤怒合漏等復攻樂共城通劾之詔斬虎罷宗諒以康延魯代之而聽通節制通陰有專討意兵端益大於是詔發陝西軍三萬人以通爲瀘南招討使通遣王育先破諸囤落因其積穀食士漏據輪縛大囤其山峒起數百仞林菁深密夷奔潰者悉赴之乃壘城樹柵當道穿阮阱仆巨木以守俯瞰官軍擗木轉石所中輒碎軍不能進巡檢种友自田祐恭按視山之岨壁峭絕賊恃之無守備者通欲襲取之命友直祐恭軍於其下而自擇旁山之高勝者

營之與賊相當若欲進者奮軍迭攻日鼓不歇迨方止賊并力拒戰不得休息友直所部多思鈴土丁習山險而山多篠通遣土丁捕之伐去蒙密緣崩石挽藤葛而上得篠數十頭束麻作炬灌以膏蠟縛於篠背暮夜復遣土丁負繩梯登崖嶺乃繩梯引下人啣枚挈篠蟻附而上比鷄鳴友直祐恭與其衆悉登擁刀斧穿箐及賊柵出火燃炬篠熱狂跳賊廬舍皆茅竹篠窳其上火輒發賊號呼奔撲篠益驚火益熾官軍鼓譟破柵遙望見火塵軍攻其前兩軍相應賊擾亂不復能抗赴火墮崖死者不可計俘斬下漏等數十人晏州平拓地環二千里通爲建城砦畫疆畝募人耕種且習戰守號曰勝兵高公老妻不辱死

詔贈節義族姪加通龍圖閣直學士經略安撫使召對拜兵部尚書元至元十九年發都掌阿末等民爲兵征答馬刺都掌等上言宋時未常僉軍乞出馬牛助軍需從之三十年十月西川奉詔征疊茂汶川番夷六年陝西平章也速答兒奉命討順元叛蠻自慶符入十降八九回軍就糧至永寧阿末蠻酋雄挫及芒部反也速答兒討之雄挫遣招降官書大意謂我不反使臣貪婪所致今遣阿大乞降朝廷必欲其入朝移文不出則進討十一月雄挫呈擇二十四日起程續又呈再擇十二月初二日出部赴京蒙賞衣服弓矢鞍轡放回大德五年右丞劉深征八百媳婦令順元速運人馬土官宋隆濟訖節等拒命朝廷命四省與田楊二氏軍馬收捕各府土官以朝廷遠征供輸煩勞皆叛梁王出駐陸梁州烏撒烏蒙東川馬湖四族聚衆四千復起羅羅斯軍渡金沙江刻日攻建昌朝命也速解兒充平章總湖廣陝西雲南軍及梁王見兵一萬人次第討平之

皇明洪武二十七年戎縣夷賊出沒奏調敘南衛左千戶所於本縣守禦未樂間遣總兵官梁福征討夷窟深菁不能追乃招安之十三年遣都督李敬率師擒渠魁而撫其餘黨宣德二年夷復寇筠連都指揮徐諒撫安之未幾又劫高珙長寧慶符江安等縣監察御史楊燦詣戎縣招撫捕獲昔乖昧漏大霸等岩夷首械送京師九年夷賊又叛申調都指揮李榮督戎

縣官兵擒斬三十九名正統四年又燒劫各縣都指揮王杲集戎縣漢夷鄉老招出五村夷諭以禍福令回各砦擒賊三十四名其餘埋石爲誓景泰元年正月高珙誘戎夷人並起聲言漢人每年公差下砦徵糧害我我當出報遂縛公差于樹殺之各攻本縣屠長寧劫慶符江安納谿燒廬舍恣殺掠江南諸縣爲之一赤有司飛奏遣僉都御史李匡監察御史劉幹經制其事適時盛暑地多疫癘士卒死者甚衆匡幹俱嬰疾漸卒而匡尋愈遣都指揮周貴等破箐前首乖等砦俘斬數百賊舍米粟負財物入深箐大軍圍之削木皮以食餓死幾半乃乞降天順元年辛部諸焚夷妖言惑衆號天師圍箐連凡九日敘南衛指揮

丁信李英等力戰賊之五年戎縣夷人連年流劫奉遣總兵官許貴討平之成化元年戎縣都掌夷頻歲入寇遣僉都御史汪浩都督芮成征之侍讀周洪謀上疏請於都掌照九姓設長官司使砦主自擇素所信服者命爲土官

上命兵部議行汪浩芮成時浩在成都捕反賊趙鐸成在敘州知戎縣漢民不欲夷人割置土官而利其鈐轄乃不用本縣勸報惟召其鄰縣夷酋導參議王禮等詣都掌諸砦諭以設官之意諸夷大悅首二百人詣敘州見成自具馬二十七匹爲赴闕謝

恩計成犒之而賞以布令還戎縣以俟尋遣人報浩會奏謂都掌箐前大壩三處宜設三長官司諸夷自擇大

首領三人堪任長官次首領三十四人堪爲冠帶把
事協贊土官分統各峒疏入方議鑄印九月汪浩至
自成都戎縣漢民不欲置土官者以甘言啖浩謂成
所招諸酋雖授以官終不能禁其劫掠此皆梟雄一
可當百乘機除之則餘孽皆庸劣不足慮數十年可
無虞也浩不知其詐遂決意殺之至戎縣諸酋迎謁
浩諭之曰降蠻太少與官大多可迴峒招三千蠻民
來我卽與若奏異日遣人招諸酋入卽閉營門而五
百壯士皆露刃環列時諸酋自納欵之後久釋金革
俯跪聽命浩厲聲責之諸蠻叩首請罪露刃者皆前
殺二百七十餘人內一人躍出奪衛士刀刺殺二人
而後死浩使人報成成怒曰是成所招者已與公會

奏矣柰何殺之猶豫數日乃又與浩合奏夷始雖歸
降終則異志且欲伏兵敵殺官軍不得已調大軍勦
之斬首若干破砦若干既而諸砦餘黨聚議報讎十
月乃赴貴州總兵官處詐降都指揮丁寔等出營迎
之夷伏兵四起官軍五千餘衆皆沒十一月初欲寇
四川浩等聞之夜奔長寧分軍實各縣徑還成都時
官軍夜行遂道人馬墜溪谷死者甚衆賊追浩等聲
言欲鬻其肉不及乃攻長寧三日於城下言曰是爾
長寧周侍讀使都御史誘殺吾父兄今不拘五年十
年務將一城人殺絕適賊聞戎縣人劫其巢穴乃解
圍去時夷恨既深鋒不可當貴州兵屯金鷄池四川
軍屯戎縣兩軍堅壁不出而夷人由其間循江之南

直抵江安納谿合江如履無人之境諸縣官民士庶皆遷江壯霽次浩往來江上不敢南泊江安賈家岩為賊所屠殺五百五十餘口縣官走自浩怒曰吾方報捷去豈又有賊耶捶之幾死乃遣人鉗各縣欲訴夷情者一夕夷驅合江等縣婦女一百七十水牛三百次長寧石笋山下都指揮宰用等率軍逐之賊皆遁盡獲所虜人畜時三司以成浩既奏賊宜勦不宜撫故勞餉以供兩軍二年既不能勦又不敢撫會長寧縣具夷人城下之言以聞

朝命如可撫乃撫之於是遣人招撫夷人遂聽命使夷首十二人赴京貢馬十二銅鼓一旦告乞仍設土官但畏浩等勢不敢言枉殺父兄事浩等欲實前奏

不與設官夷人益恨復抄掠

上聞乃勅總兵官襄城伯李瑾兵部尚書程仁等率兵來討紀功則方御史綜理軍餉則俞郎中陳主事三年十二月大軍至芮成由戎縣進都御史陳宜叅將吳經由芒部進都指揮韓忠由晉水腦進貴州總兵吳榮為左哨由李子關進汪浩督叅將宰用為右哨由渡船舖進二十三日毛榮及韓忠燒落崖落魏等岩二十四日毛榮韓忠及都督羅秉忠都指揮白玘燒上下諾莫用小鉄爐勇播等岩二十五日汪浩宰用都指揮周海柳英等燒洞掃海納龍背豹尾等岩二十六日芮成等進攻大穴塘等處二十七日燒昔車味漏等岩四年正月十四日都指揮唐聞等攻天井

洞二月二十八日敕南衛指揮同知李鏞破凌霄城
城三面峭壁不可登賊於其前緹藤為梯架木為棚
而巢其上南則深箐連亘數十里皆荒險無人跡鏞
率官軍三千從其南循崖而壯梯岩架壑又大兩雪
凡兩宿而後至賊見官軍駐前而不知鏞躡其後後
山益高自高攻下賊墮崖死者不可計俘斬三百六
十鏞親斬五級而當道者削其二級及行賞凡功在
鏞下者皆陞獨鏞不進秩大軍前後斬首千餘級俘
賊屬四百口還所虜掠男婦百餘獲銅鼓十七牛馬
器械無算燒賊巢二百餘砦始諸夷聞大軍至留老
弱守砦壯者皆遁深箐削木皮為食有餓死者若再
困之一月則死殆盡然自昔攻圍者皆以他故而退

殆天不欲絕其類歟諸賊既平程信等奏改大壩為
太平置長官司舉永寧土人黃鏞為長官於渡船舖
置瀘州衛尋舉殺賊有功按察司僉事嚴正為副使
都指揮韓忠為都督僉事克恭將守川貴地方六年
之間賴以靖謐七年大壩夷首阿告殺把事阿尚黃
鏞并諸衛言告擅殺在官把事請加兵誅告言尚本
逃民寵於其長毒衆已甚我為衆除害何為請兵誅
我欲賜諸砦以反忠正以告詞直乃遣人諭告依夷
例酬償骨價則免兵誅告從之遂以銀八鎰酬尚妻
子夷黨乃安正德九年葛魁夷人普法惡與夷女米
浪通生子假稱浪為王母子為彌勒佛惡為天官潛
刻符印造旗劔集焚拜苗保等夷燒香各印符一張

給之使佩謂兵不能傷又謂劔出人頭自落旗動軍
馬自潰作諸幻妄謀爲不軌夷人愚惑傾心事之十
年十二月夷部與筠連縣流民蘇衝等爭田有隙屢
訐不能惡乘衆忿誘之復讐屠數百人於是諸夷寨
俱叛衆幾萬人攻城堡劫財殺人焚廬舍僭王號事聞
命巡撫都憲馬昊總兵吳坤調成都等衛官軍二千百
陽天全土軍五千馬湖獬狃五百巴通新達管渠等
縣鄉勇一萬征之七月馬公令土巡檢安宇招撫白
水江四十八寨來降十月督令都司張麟杜琮西從
筠路吳公督都司曹昱知縣步梁等東從珙路又命
通判趙文振監烏蒙東川軍南從本路刻期夾攻取
党宋老虎母猪岩底及田保白牛落木祥落木柔寨

十九日西軍圍石頭大寨恃勝無備賊乘機
戶朱輔胡教百戶鮑宣等三百餘人諸軍奪氣馬公
自高縣兼程至上羅計堡時巡按熊相代江良貴攝
紀功亦星馳至敘互相淬厲諸將復破落涯川山洞
貓兒崖洞鷄瓜山下火龍響黃溝等寨又併攻青山
寨不下乃視旁近之確丘坡高峻畧與寨比營以逼
賊二十一日取峰涯寨普法惡敗走涪州鄉勇皮邦
興斬其首自胸至足有毛長寸餘餘黨推阿尚爲主
拒守十二年正月取磨底等寨五月趙文振破大井
壩擒首惡孛孛子阿設者過賊黨悉平各軍通俘斬三
千餘其墜涯溺水與民之死于賊者不可勝計二月
師回五月阿尚等來降鄉兵徼功殺之量田官復增

額糧奪降者之田以授他人衆心危憤流民謝文義
 乘機煽惑二千餘人九月圍筠連縣守禦官望風奔
 潰署印訓導李韶竭力戰守賊乃還焚劫千餘家殺
 虜五百餘人御史盧雍令知府陸芸遣人招撫賊黨
 來降十一月賊復攻筠連兵備田荆統兵適至賊降
 者殆盡尋平之嘉靖以來戎夷憑負嶮寨愈肆驕蹇
 綁虜千百戶殺死巡檢槍辱知縣妻孥自是劫掠又
 復不止六縣而敘州瀘州江安納谿俱罹荼毒之慘
 蠻中桀酋阿大河二方三等俱僭王號雄據九絲城
 勢甚猖獗萬曆元年巡撫四川都御史曾公省吾聲
 罪請討

詔許之於是公率左右布政羅瑤馮成能叅政王官用叅

議沈伯龍副使李江僉事周思充總兵劉顯起發總
 兵郭成安大朝叅將張澤等如敘仗節誓師大徵土
 漢兵益以募卒共拾肆萬有奇悉隸總兵劉顯以副
 使李江監軍江建議先攻去霄城次都都寨先剪其
 兩翼然後可進攻九絲顯從之五月拔凌霄六月拔
 都都寨八月逼進九絲九絲峻絕天險諸蠻殊死拒
 不下官兵亦以仰攻為難皆城下困守蕞賊奔敗坐
 收擒斬之功李江密報曾公請下令土漢官兵先登
 九絲者為上功雖無功級多給懸賞銀繼登者為次
 功量給懸賞城下獲功者擒斬雖多以下功論不給
 懸賞諸軍聞令思奮莫得重賞會天雨霧決旬把總
 吳鯨土舍楊王宗購死士夜半銜枚腰絙上未明斬

守關徑薄蠻所蠻驚懼不知所出自相紛拏又五路
兵竝進衝擊蠻益頓踣藉死無算九絲遂平先後
下蠻寨六十有奇燔營舍六千所擒斬俘獲四千六
百有奇虜首王三十六招安三千三百拓地四百里
獲銅鼓九十三面公又題請改戎縣為興文即內官
寨列雉為城名曰建武設總兵兵備僉事坐鎮之隸
以安邊同知一守備司一坐營司一守禦千戶所一
儒學一其他阨寨悉設堡戍守禦官兵則自瀘州南
中前二所徙置諸邑士民感之為建生祠肖曾公像
于中歲時報祀

欽差巡撫都御史曾省吾議處都蠻疏略議照都蠻東連永寧
南接芒部西通烏蒙北達馬湖而戎長高珙慶符陸縣近

相聯絡即古戎棘漢西南夷也唐宋置州內附不
羈繫我

大明悉改為縣流官鈐治屬之戎縣辦納稅糧已為編民
故土夷環列一有不靖尤勤問罪矧茲編民在中獨
可任其跳梁是以洪武永樂宣德正統以來節節因燒
劫為害或撫或剿不一然未大創惟景泰元年夷賊
竝起攻破長寧慶符江安納谿諸縣為之一赤遣僉
都御史李匡監察御史劉澣入山征剿比以癘疫大
興賊逝山箐旋復班師天順元年五年兩次圍攻各
縣先後遣總兵都督等官問罪延至成化元年勢甚
遣兵部尚書程信襄城伯李瑾御史郎中主事等官
率領大軍一十八萬駐歷四年稱大創矣而士卒損

傷甚衆然亦頗貽數十年之安嘉靖年間以來生靈日繁逋逃助惡每每騷動縣官隨剿隨叛愈撫愈張樹虜千百戶殺死巡檢搶辱知縣妻孥父益無忌至今劫掠又復不止六縣而敘州瀘州江安納谿均羅荼毒之慘有目者所共睹有耳者所共聞兼之土司平時則交通罔利調征則黨助從逃包藏禍心漸成尾大失今不治不惟長效尤之惡而地方三面瀕夷時有兵革一隅玩愒他患可虞此都蠻之罪在今日法所必誅而以剿為撫事後設官此議處之大略也欽差巡撫都御史曾省吾蕩平都蠻敘功疏略恭照都蠻種分孟獲號西南築鷲之夷地阻夜即賦射虎貪殘之性雖漢土周遭率導聲教而疆梁中梗獨肆憑陵

阿大雄據九絲復翼以方二等逃囚愈加煽逆頻年勢吞六縣乃近將敘瀘等內地亦罹沾危二百年撫剿相尋數十載猖狂益甚僭稱王號擁旗幟而生殺一方屢抗官兵逞戈矛而震驚三省樹拿千百戶莫敢誰何焚劫各堡各縣幾無噍類屠殺則膏骸遍野係虜則男女成群戮及嬰兒又貫棚叢次以博戲剽施孕婦乃焚屍掘墓以淫威罪稔惡盈鬼怨神怒奈以高山大箐向來稱亂既自負巢穴之難窺而彼逸我勞前此出征亦誠苦樵鮓之莫繼豈知地險本不足恃天網竟復難逃屬

英主御極之元年奮赫怒安民之大勇

明見萬里任帷幄以運前籌守在四夷自

廟堂而決勝算謂茲寇不可玩其法在所必誅是以猛將

擗鼓以折衝勁卒控弦而敵愾糧糗浮江而下器甲

列山以屯首夏試兵而凌霄即破於三日中秋結陣

而九絲旋滅於三旬既西拔都都寨以除腹背之虞

又壯搗鷄冠嶺以絕咽喉之阨一掃零星小寨速若

燎毛悉俘梟獍大憝勢同破竹信有征而無戰果用

夏以變夷計首功數逾四千焚墜而死者無算約田

地畝盈十萬米谷所產者甚饒番夷震懼如鼓以雷

霆咸謂天威莫測童叟歡呼若出諸水火共祝

聖壽無疆即今已空彼巢穴而列障於吭背之巔以次當

集我兵民而雜耕其肥沃之野以洩幽明之憤永泮

巴蜀之氛且是役也上憑

朝廷寵靈下藉文武匡濟臣等幸因人而成事敢貪

天以為功至於諸有事於軍務効勞員役相應分別敘論

以昭激勸

欵差巡撫都御史曾省吾經略平蠻臣後疏據四川布按

二司清軍右布政馮成能兵巡下川南道副使李江

分守上下川南道右叅議沈伯龍楊文明呈奉臣案

驗照得山都巢穴今已蕩平雖臣既往之兇殘尚慮

將來之釁孽蓋一時之功不足取快而百世之計所

當永圖仰道會同該鎮并按都二司集議呈詳又奉

議前來該臣會同巡按四川監察御史孫岱又行逐款面議斟酌古今之宜叅互漢夷之俗諮評衆論商確萬全除意見或殊理勢未妥者難以輒議其纖悉委曲不妨隨事通變者又已一面陸續施行所有張官置吏立所建城等項關重大之務係長久之宜者謹條爲十事會議上

請如蒙乞

勅該部再加從長酌議裁以遠猷定之上策使有遵依庶懲前慮後防禦可以無虞用夏變夷經制因之漸備往昔稱亂之區今當屹然成一巨鎮不惟隣夷近土便於控扼而雲貴接壤亦得相犄角以永治安矣一復兵道查得下川南地方原設守巡兵三道隆慶三

年內裁減分巡併歸守巡一道今照守道駐敘州巡道駐瀘州皆係內地相去蠻方動愈五日之程且錢糧獄訟獨多勢難遠周荒徼而九絲初平經綸草昧之始招徠懷遠均田治兵其勢必得憲臣專力彈壓方克內修戎備外震諸夷且總鎮兵權雖重而府州縣一應軍需實重非有該道會同明文必難調發故今日爲地方久安之策莫先欽奉

明詔遵守

成法查復兵備與總鎮會同行事使文武相參上下相繫庶克有成合無仍設兵備僉事一員請乞

勅書關防於新建鎮城及長寧往來駐劄及招集民兵克實墩堡整飭敘馬二府瀘州所屬及敘瀘二衛新所

并永寧東川鎮雄烏撒烏蒙等土司地方兼理錢糧
獄訟合用官兵即於所屬各縣民兵內挑選操練附
近土兵從宜調遣應用廩糧等項查照原設定規編
次及查瀘馬驛見設瀘州衛簡僻無用改入長寧以
便供應驛名應合更換請乞

欽定改鑄印記其兵巡下川南道仍舊分巡原領

勅書關防暫留捧使以便行事遵候

頒給原印或另更換至日并瀘州驛舊印徑自

奏繳庶事有統紀邊方之憲度一新而職有專司善後
之安攘有賴矣

一設府佐照得都蠻既平夷方盡為中土矣但去府
城數百餘里據土司四面之中勢頗孤懸又山川險

阻夷漢錯雜必得文官分理下下方保無虞但邊

郡縣則荒惡之區所居未能成聚附之隣近縣分則

聲勢隔絕未免仍復生奸僉議謂設同知兼理兵民

以為得策及上宣敘州府先年仍有通判一員駐劄嘉

明鎮督糧後一行裁革今見奉

明詔查復

成法合無於該府添設安邊同知一員照依各省海防事例
欽降關防專駐新築所城管理兵餉收放稅糧清理詞訟

安撫民夷上承兵道委用下定武職賢否其合用俸

薪門皂俱暫於敘州府屬縣增編待本處糧課起徵

即就近支解各縣增編者除詔九上司按臨除考察

外其餘時日俱在所城供職不得以參謁為由曠廢

軍政上司亦不得別項差委容許迎送其收放糧餉
合用倉官請乞

欽定倉名銓選一員鑄給印記攢典行布政司查撥一名
專聽同知提調稽查庶邊鎮政刑俱有統紀而錢糧
出納亦有責成矣

一建城垣照得安內攘外固以設險為要圖而况洛
土建邦尤以築城為首務今照山都地方周圍數百
餘里扼險設要尤必得道理適中形勝之區方足以
壯居重馭輕之勢據司道等官奉 臣明文看得各寨
舊名多惡宜更換以新耳目權將九絲城呼為平蠻
城凌霄城為拱極城印靶山為文印山平猴山為落
蠻山雞冠嶺為金雞嶺內官寨為武寧山都都寨為

都定寨隨踏看得武寧山一處地土寬厚風氣凜集
坐西向東前對文印山後坐金雞嶺左扼平蠻右倚
都定應於本處建城以為雄鎮就前面大河為濠城
制周圍計九百丈開東南西北四門內設總兵兵備
道衙門同知府館守禦千戶所七營公署倉場庫獄
城隍廟旗纛廟各一所修蓋營房一千二百間另立
演武廳於馬草坡其合用木石磚瓦等料及造作工
費聽守巡道委官估計呈詳修理但前項城寨名色
係一時權改 臣等未敢擅便及照都蠻既平戎縣縣
名亦應改換以易夷風統乞

欽定

一移守禦照得城垣既建應有守禦官軍世守本土

而外用招兵協守則主客相濟斯保無虞今照敘南
衛三所軍數僅一千有零又經

題撥馬湖府一所難以別議查得附近瀘州衛先與瀘
州同郭止設左右中三所成化年間因大壩蠻叛將
該衛改調太平九姓二長官司適中之地

奏將重慶衛前所全伍官軍割附瀘州衛湊併四所每
所額設旗軍一千一百二十名今蠻既蕩平即當全
衛改入九絲但該衛去新建武所城不滿百里分兵
兩地同禦一方聲勢足以相援控扼尤爲便益合無
將該衛中前二所官軍割併守禦千戶一所及將敘
南衛原守隘官軍有屯田附近九絲者行兵備道查
明附改新所差操克實營伍請乞

欽定所名另

頒印信直隸都司仍於敘南瀘州二衛指揮內軍政考選
一員掌管所印吏役聽布政司註撥其瀘州衛二所
舊印另行 奏總官軍俸糧於該衛原額內照數撥
運待二年之後於舊所田糧內量加衣布銀兩以優
恤邊軍永固疆圉

一理疆土照得平蠻武寧地方延袤廣遠疆界當清
而田土膏腴經制宜定東南與永寧九姓太平二長
官司東壯與戎長高拱筠連諸 西北與鎮雄府威
靜二司相連四面界限已經守巡道同總鎮委官請
查明白鑿立石碑以杜侵爭其見在田地一面委官
丈量分別上中下三等上田每畝起科四升中田三

升下田二升造冊收查一面廣行招集附近軍民有
情願受廛爲氓者各委官就籍名在冊分定某處住
居量其人力衆寡撥給田畝卽爲世業仍分別某人
上中下田糧各若干新造黃冊註定某里某甲每年
止徵本等額糧本折各半一應驛傳鹽鈔丁差雜泛
俱行免派其高山深谷不便耕種者分撥近住居民
樵牧俱免起徵內有茶利者仍丈量畝數官佃民軍
民採摘土布之費前項田地稅糧俱待一年之後徵
犒軍兵化布之費同知催徵收放置立循環文簿送兵備道
稽查及昭所城新役遐荒百無一備戍守官員相應
酌其職之崇卑將附近田地量行撥給以敷薪菜焉

料之資總兵衙門田地各一百五十畝同知衙門田
地各八十畝新設千戶所掌印指揮一員田三十畝
千戶每員田二十畝百戶每員田十畝不拘田地永
不起科其總兵衙門廩給每日五錢於瀘州商稅銀
內動支待新定地方賦有定額卽於本處徵解田地
候裁軍之時止給一半與遊擊衙門耕種餘一半入
官另行招人領種辦納糧差

一扼要害照得平蠻地方漢夷雜居犬牙交錯重之
險道連雲深林集霧絕谷懸崖易爲狐兔踞伏之所
卽今巢穴雖空未免逃匿兼之土夷往來彼此構釁
必須多方設備以戒不虞除調到土兵已經撤散應
留軍兵酌量每用外所據有名險寨及緊要隘關俱

應設立堡墩互相守望今於得窰口魚井坑蠻寨文
 印山得杭都定寨得勝營黑帽尖山毛壩拱極城頂
 冠山各設堡一所每處用兵五百名人於平蠻城山
 頂設墩四所脚板崖竹栢嶺金雞嶺阿兒寨平寨高
 寨降蠻山得九麥易營黃連洞和尚可銅礦溪落照
 谷爆筆架山口蠻啞飯甌陳四落甕各設墩一所每
 處用兵五十名深溝子銅罐芭蕉歌馬青岡每處用
 兵一百名以上官兵即於總兵劉顯并原任總兵郭
 成叅將張澤標兵及上年設隘原兵并今年近募新
 兵內挑選共足一萬七千六百名分割前項堡墩備
 行總兵劉顯督同大小將領統攝防守一應機宜悉
 聽總鎮調度候萬曆二年三月終將前兵汰減七千

六百名年終汰減五千名止存五千名候調撥軍兵
 赴所分撥墩堡防禦及待二年後田糧起徵編取民
 兵再行遞減并各墩堡應留應軍亦俟以漸裁議庶
 軍實既足而錢糧以次可省矣

一起民兵照得蠻方險遠應有戍兵防守見今分布
 各堡隘者俱係顧募官兵漸當裁減今照本處沃田
 數多應以本地之利供本處之兵庶可以省公帑之
 費免轉輸之勞所據見在標兵即使授田屯守似亦
 寓兵於農之意但各兵係四方選集無冊籍可稽而
 遽使坐受糧餉之人轉驅南畝風氣不調勞苦不耐
 勢必逃移他日田地荒蕪不無後慮若作軍田照屯
 例起科則子粒太重人不樂從募民實塞與額兵屯

田事體自難一律衆論參詳俱屬不便今議招集附近土著軍民領種田地二年之後照畝起科誠為便利然止徵稅糧不起鄉兵則所取甚微養兵太少亦非長計合議以糧起兵就令於附近隘所防守自衛身家即保甲相連守望相助之意非所以為厲也合無待戶籍既定居民湊集之日每糧二石起丁壯一名即令於相近隘堡處所聽委官調度操練防禦安邊同知親加督理嚴禁堡官私役科求等弊兵道亦不時稽查以寬恤新民尤實邊土

一通道路照得蠻夷未平則阻隘塞關以遏截為上蠻夷既平則伐木通道以開治為先平蠻地方在萬山之中往來曲徑俱由箐林絕壁豺虎縱橫往時蠻衆每由間道出劫而漢民不敢經行必由羅星落亥迂路濡遲今既蕩平巢穴則山溪便道隨處可通西則由歇馬漢村達黑帽尖山以入得勝營東則由長寧達蠻埡口以至毛壩營壯則由得窰口達魚井以至文印山及諸小道可以往來俱行總兵劉顯委撥官兵剪伐林木開治平夷其外則南廣水路一道直達新城中間有趨木二灘亦當開濬徑通舟楫以達該所仍修造大河船十隻伺兵備道總鎮衙門巡歷之用陸路至敘州府經由慶符高縣至珙縣計程速則三日緩則四五日若自南廣間道從月口漢陽薄刀嶺羅洗場龍灣鎮日半可以徑透珙縣但以中途無止宿之處夫馬無接遞之便遂阻不行今應於羅

洗場適中地方設一公館就將興長高珙慶爲宜宿
七縣原僉夫馬內每縣抽取馬十匹共七十匹夫十
五名共一百零五名委官一員管束在彼答應公差
只換夫馬不支廩糧再於薄刀嶺漢陽壩二處令慶
符縣添設舖分二所自珙縣起至新所沿途十里設
舖與薄刀漢陽二舖每舖俱徭編司兵二名遞送公
文應給工食照各縣所轄地方編派屬新所地界者
暫行珙縣動支官銀雇募候二年之後於該所應徵
稅糧內動銀雇役以上造船水手應修公館舖舍錢
糧等項俱聽守巡二道委官估報修理

一設社學照得修文來遠貴戢干戈而用夏變夷莫
先教化今蠻荒所闕既建類城本宜立學設官以修

文教但犬羊餘風遽難盡革且人民招集未多經
應當有漸合無於新所之中設立社學一處大書

聖祖

教民榜文掄選近縣年高有德明於講說者二名送

赴學中爲教讀塾師令新集之民朔望赴學聽講

聖諭

其後生子弟送學訓教詩書漸變夷風皈依大道安

邊同知親行提調應給教讀燈油米菜於茶稅銀內

動支待後人民湊集生長日蕃另議建學育材庶夷

夏同風而文命覃敷無遠弗届矣

一恤民困照得高筠興珙慶長六縣人民二百年來

被都蠻荼毒最苦最深丁壯非被虜掠即散之四方

老弱非遭殺戮即轉於溝壑田地盡成草莽材舍盡

成丘墟白骨如麻冤鬼野哭雖有孑遺之民揆縣居

住亦朝不保暮而六縣之官徒擁空名有選出不赴任者有赴任即乞休者此以前時勢孤危有不可盡狀者今仰

皇上神武銳意除殘流離之民漸次復業隨據守巡下川南道議得復業艱難將軍前支剩米豆量動四萬石權為分別賑濟但前米係各倉久貯賑谷所碾幸而因糧於賊得此餘剩堆放之久未免浥爛前項極困之民若非破格蠲免何以慰更生之望扶起瘡痍及照全省順遂水次州縣轉運兵餉辦理維需軍機係急於星火亦屬偏累所當併恤伏覲隆慶六年六月初十日奉

書內一款一軍國錢糧隆慶二年三年四年各量免

分之三等因欽遵外及查六縣賦役不多合無將曆元年以前小民拖欠各項錢糧悉從

特免其餘濱江州縣合將前項應免年分錢糧除已免已完外其未完之數俯准減豁以寬小民供辦之力以溥

皇上浩蕩之恩則所謂既出諸水火而又加之衽席之上民益安集歡欣內地實而外患永消矣

芒部 烏蒙 東川 烏撒

芒部烏蒙東川烏撒四軍民府皆古蠻夷

皇明歸附以土官隴氏阿氏普氏那氏世襲知府嘉靖初芒部隴慰子隴壽隴政爭官仇殺政謀殺壽又欲謀其子隴勝率眾以叛巡撫都御史王軌奏調官兵擒

政及其嫂支祿繫獄死奏改鎮雄府設立流官舉重慶府通判程沈試知府掌府事改置長官司四以阿濟等四人爲長官五年程沈招募流民占種夷田沙保乘機以隴勝及隴壽故部下阿得獅子孔等枝蠻民聚衆爲亂六年攻破府城逐沈奪去府印川貴撫按奏調漢土官軍征剿沙保詐稱已死主者弗察誤以捷

聞各陞賞有差七年沙保等復聚寇掠巡按御史戴金奏調官軍擒殺沙保復立隴勝爲土官權署府事仍候有功之日奏請實授職銜嘉靖三十九年土夷阿堂叛逆盜印奪官攻燒府治又讐殺霑益百姓四川雲貴三省屢次撫處不悛巡撫四川都御史羅崇奎同

雲貴兩省軍門合兵擒斬阿堂及其餘黨阿科祿哲等東川以寧烏蒙烏撒皆綏靜如常而烏撒富盛甲於諸夷積累日深里可置之度外乎

謹按昔人謂治蜀貴嚴予推其說則治蜀之邊尤百倍當嚴矣嚴則威威則風行於徼外而治順于域中故小偷則警之大肆則剿之如往年之創都蠻雷行電掃諸夷靡不帖帖震疊政論者謂九絲廓清之功不讓尹吉甫之肅清江漢豈不韙乎其言之哉至於芒部四司惟申之以要約假之以羈縻一之以法紀俾翕然悅首聽命爾已嗚呼

聖人作而西戎絃其死今日之謂哉

四川總志卷之二十二

經畧四

昔詩人頌商道中興之盛一自彼氏羗來享來王其稱鴻惠茲業至邛隆矣經漢以降叛服靡常時逞螳臂以當我轍入我

國朝帖然懾服今松茂威疊即氏羗地奉朔聽令亦埒中土曠視商業豈不尤倍盛耶今採諸家備禦之畧著于篇而達敘土夷重山冠各述所繇以誌于經世者

松潘 威茂 安綿

松疊威茂皆氏羗居之自漢以來叛服靡定

國朝洪武十一年御史大夫平羗將軍丁子克服其地

設松州潘州茂州三衛疊溪威州二千戶所洪武二
十年併松潘二衛為松潘衛軍民指揮使司宣德四
年調成都前衛後所為小河千戶所增置城堡添調
成都利保等衛所官軍更番戍守先年兵備提督皆
侍郎都御史成化初改設按察司副使總理松茂兵
糧後因南詔梗塞松不相通又龍州相去遼遠分
設松潘威茂安綿一兵備又設鎮守總兵官以侯伯
都督克之掛平蠻軍印成化初改分守副總兵協
守左右將軍南詔水詔二遊擊將軍俱以都指揮克
之正德五年添設石泉壩底守備以都指揮統行
事又以松潘臙臘地方相隔六十餘里皆有隘口可通
北虜嘉靖十一年虜賊深入為害巡撫都御史朱倉

議於臙臘後山嶺建靖虜墩西小高嶺建禦寇墩設
戍守之嘉靖二十年

欽差巡撫都御史劉大謨巡按御史王珩奏設守備指揮
亦與都指揮體統行事增官軍二千員名展脩臙臘
城堡建置官廳營房神宇于時松潘兵備副使王萃
副總兵何卿又會議呈蒙

巡撫都御史劉大謨巡按御史謝瑜批准脩築邊牆
一萬三千五百三十丈深挖坎阱二千五百六十四
口及於大壩建立一堡脩築城垣內建官廳營房西
山平壩更脩一墩以防虜騎侵擾之患萬曆六年松
潘兵備副使楊一桂以臙臘所屬鎮虜絕塞譚屏等
十七屯堡去松遼遠支糧不便議呈兩院於臙臘舊

基脩建新倉改運關支卒伍便之有四州三近障臘
今阿失寨即上潘州班班簇則下潘州二州之間則
中潘州去松不二三日故城遺址尚存惟松州今為
衛城軍屯堡與臙臘諸番大牙相參原隰之利頗豐
雖無厲禁然亦不相侵欵自松達茂不三百里踞插
河岸夷碣棋布山岩視之如蜂房保縣有堡過漢索
橋則古維州故城三面臨江殊陡險蓋董卜韓胡宣
慰司與雜谷安撫司交界處城與李德裕籌邊樓道
址尚存舊碑景泰間為叛夷王永所毀州址今為雜
谷碣寨迤北則古無憂然皆名存實亡不復為我有
也大抵松疊皆夷茂漢夷相半然皆置衛所備守不
廢者蓋松疊所以阨塞吐蕃疊則松茂脉絡皆入謂

吐蕃入寇必自黎文南詔入寇必自沉黎吐蕃南詔
合入寇必於灌口灌口失守則長驅於蜀然則三城
邊藩籬灌口疊茂喉襟威茂灌口障蔽峨山全蜀巨
屏實天設險以限華夷者也

松潘則副總兵一員駐劄松潘衛左叅將一員駐劄
小河千戶所遊擊將軍一員駐劄龍州宣撫司守備
指揮一員駐劄臙臘屯堡提督指揮五員分督關堡
自松潘以東望山關雪欄關風洞關松林堡紅崖關
三舍堡鎮遠堡小關子堡松丫堡三路堡師家堡四
望堡抵小河千戶所蜂崖堡葉堂堡馬營堡水進堡
鎮夷堡鐵龍堡抵龍州宣撫司又自松潘以南紅花
屯堡熊植屯堡西寧關小屯堡安化關鎮革堡新塘

關文高堡歸化關北定關浦江關平夷堡金瓶堡鎮
平堡鎮番堡靖夷堡平定堡抵疊溪界又自松潘以
北穀粟屯堡高屯子堡羊裕屯堡唐舍屯堡譚廓屯
堡臙臘屯堡抵吐蕃洮河界以上關堡并墩臺共八
十七處戍守主客官軍舍餘遊兵共一萬一千六百
八十四員名每歲額坐松潘等一十六倉糧米共九
萬九千三百八十一石有奇按松潘乃西蜀之重鎮諸
番之要區東連龍安南接威茂壯抵胡虜西盡吐蕃
西壯又與洮岷連壤鎮城衙門關堡之外四面皆番
故經畧者謂蜀之各鎮惟松潘純乎邊者也萬曆六
年兵備副使楊一桂以人荒沒舌丟骨等寨番民連
年侵擾條陳十款一曰鵬除惡寨二曰克實行伍三

曰議處克發四曰揀撥戍守五曰革去遊兵六曰定
委要害七曰聯絡墩堡八曰設立草場九曰招復逃
亡十曰年終獎戒呈乞施行切中邊務

茂疊則右叅將一員駐劄茂州州有茂州衛遊擊將
軍一員駐劄疊溪千戶所各路提督指揮五員分督
關堡自茂州以壯鎮戎堡椒菌堡長安堡韓胡堡松
溪堡長寧堡穆爾堡實大關新堡馬路堡小關子抵
疊溪千戶所北行至漢關墩新橋堡普菴堡太平堡
永鎮堡抵松潘界又自茂州小東路土地嶺堡鎮夷
堡關子堡神溪堡土門堡挑坪堡抵安綿界又自茂
州南路遷橋墩黎菌頭白水墩蓋頭獨脚門樓墩
遠墩四顧墩羊毛坪五星墩文鎮撫村大宗渠石鼓

四一總志卷二十二
村七星關鴈門堡青坡堡抵威州州有千戶折至汶
川堡徹底關抵灌縣界又至威州西路則保子關坡
底堡壩州堡乾溪堡鎮夷關新安堡抵保縣保縣堡
四圍皆番境以上關堡并墩臺共一百二十處戍守
主客官軍兵快差番共一萬四千二百五十二員名
額坐廣備等二十四倉糧米共一十萬三千九百一
十七石有奇

安綿則守備指揮一員以都指揮體統行事駐劄石
泉縣提督指揮四員分督關堡所屬各路曲山關播
鼓坪堡後庄堡香溪堡疊溪堡西溪堡靈鷲堡睢水
關視曹堡綿堰堡馬尾堡白水堡龍麟堡三江堡觀
子堡徐坪堡平通堡大方關大印堡茅堆堡山茅堡

僉事周思克頗用心經理其事視昔廢墜亦漸起
然其所兼管者有鹽法有水利有茶法內鹽法在四
川又稱極累且方按察司缺官則署司提學道缺官
則署道蓋自隆慶二年裁減二道之後中間入慶入
賀與夫陞遷事故不常加之地方險遠履任每遲各
道之難以專脩厥職者亦其勢使然也前此當事諸
臣有改行各守巡道分催者有改行各州縣代催者
有不分完欠槩行扣兌者皆係不得已之故然或分
折而愈無統或一切而多不平宜其有所不可行者
近奉

明旨將該道及都司掌印屯官而下降俸降級調衛革任
參罰有差人心已知警矣然使不求專管操得其要

因之便宜從事則雖盡各衛之官降調而革之任恐終無補於屯田何也每軍一名種田二十四畝每田一分納糧六石田以厚軍士糧以佐國儲是屯軍相依為命本兵農合一之道也今也乃分道而治之既有屯田餘事矣又有清軍副使一員兼管驛傳常協堂而不出巡每見清屯者不問軍即有屯無軍屯道不知也清軍者不問屯即有軍無屯軍道不知也間相關白查覈不勝其文移往返之擾夫屯田之弊以日久日深不可究詰而又勞而擾之非計之得者故臣等莫若將清軍清屯歸併一道而專責成於副使一員即不得兼管他道責成專矣亦不得復以歲時遠委相妨容臣等督令出巡逐衛清理軍有缺伍

阿阿支撒他等臨城攻搆擾害地方萬曆元年四月十九日文等率各夷蠻劄住木拖村凹即河等處虜劫人財達昌道兵備副使楊芷會同監理通判王爵牌行各衛官齊集兵夫人等嚴守城池先令旗軍周英等前去安文等賊營宣諭利害陽為撫安以便整朔將原募兵勇八百餘名分割城關要害調取土舍安鎮上官家丁逆止孺姑哨計始撒刺各率部兵馳赴土官院南門橋截殺各賊恃其黨衆於本月二十一日突至本司城下並親督兵驅戰授以方畧官兵奮勇截殺擒斬數百人奪獲甲馬器械若干自是夷虜既遭懲創始知

國法而建昌六衛軍民得安枕矣萬曆三年巡撫都御

史曾省吾巡按御史郭莊題奉

欽依將建昌前衛併入建昌一衛

敘瀘

敘瀘與楚拜苗保等種蠻夷雜居夷性好鬪亂為害無常元以前皆為羈縻生殺予奪一以夷法治之名隸職方實無賦稅但為中國之藩垣爪牙而已

皇明始置流官即今筠高戎珙慶長六縣與烏蒙東川永寧鎮雄烏撒等夷府司接壤自洪武至今諸夷叛服不一成化間設敘瀘兵備僉事統轄敘瀘二衛并烏蒙烏撒東川鎮雄永寧等府司續設叅將一員提督敘瀘大壩及貴州迤西等處地方駐劄永寧宣撫司又設守備指揮一員以都指揮體統行事駐劄瀘州

衛督率官軍往來巡視設立墩堡俱以本衛兵及附近兵快守之萬曆元年巡撫都御史曾省吾蕩平都蠻請於

朝將九絲城等地舊名易以新稱曰平蠻曰拱極曰都定曰文印曰隆蠻曰金鷄等寨其內官寨地廣衍氣候甚善即其地為建武所設鎮守總兵兵備僉事安邊同知守禦千戶所自本所官軍外割瀘州衛中前二所軍益之墩堡相望分兵戍守於是遐僻之區屹然成巨鎮矣

重慶

重慶二府去會城頗遠所屬達東太平大寧大昌等州縣山深地曠流移逋逃易於嘯聚為盜正德間群

盜藍廷瑞鄢本恕廖麻子等相繼倡亂爲蜀中大害
又所屬黔江武隆彭水忠涪連始奉節巫山雲陽等
州縣界與湖廣之施州衛所轄散毛施南南崖中踏
等夷司犬牙交錯加之播酉石柱等司土漢相雜爭
鬪劫害無歲無之弘治元年設兵備副使駐劄達州
統轄重慶黔江并湖廣瞿塘施州忠州等衛所而達
州東鄉太平三州縣又調聚重慶新寧梁墊長壽銅
梁合巴蓬渠營山岳池隣水大竹等衛所州縣軍快
共一千名團操防禦嘉靖十年於黔江千戶所與散
毛宣撫等司交界設立老鷹等三關五堡就於該所
摘撥官軍守把嘉靖二十年

欽差巡撫都御史劉大謨巡按御史王珩會同湖廣撫按

題奉

欽依改調九永守備官一員於施州衛駐劄約束散毛施
南中路等司蠻夷兼制酉陽石柱二宣撫司石耶邑
梅二長官司黔江守禦千戶所并聽川湖守巡官節
制嘉靖末大足縣民蔡伯貫以幻術愚衆攻破合州
定遠等州縣黃中盜據雲萬山中旋即剿除萬曆初
夔州府知府郭棊建議夔屬山磳阻深鳴吠之徒慣
於嘯聚江流湍急萑蒿之寇易於逋逃議呈撫按題
請添設捕盜通判一員自是事專責成盜賊衰止數年之
間無復揭竿之民矣

謹按省之有邊圉猶家之有藩籬也藩籬不固何可
得高枕而卧乎故嚴設邊備亦以慎華夷之防杜奸

雄窺伺之漸不可一日忽也蜀踞多盜然烏合鼠竊旋起旋滅無足虞者獨羗夷雜處罅隙易乘其為備禦之政不可不深長思耳

國初吐蕃播州酉陽石砭永寧平茶石耶邑梅諸部咸以土人領之蓋以夷治夷不欲煩中國意也獨芒部等四軍民府假之名號兼設流官豈以聲教漸被猶可從漢道處之耶曩歲都蠻剿平邇則建昌底靖各土夷畏威順治乃芒部改為鎮雄隴氏未復實授懲創方切悔艾可知而東川烏蒙二府又復凋弊孱弱自植弗暇羈繫為患且外惟烏撒岷強一隅往往侵掠隣夷蹈為奸利視諸番楊冉奢羅等部反有意外之虞豈其習使然哉亦有所恃故耳蓋其地有鹽池銀

礦之利藏亡舍死率以為常勢不自斃不止也故議者謂永寧參將施瀘二守備皆切要慎重之地而敎瀘重變二兵備其防尤不可緩焉至於松茂近已處置得宜心懾喙息而西南醜夷膽落股栗茲復慎選臬臣重其事權以資彈壓乃

撫臺又申畫守禦之法建堡設關星分碁列練兵積貯士奮氣揚寧不益鞏玉壘以增萬年金湯之固哉

雜紀類

初王

周蠶叢氏昔黃帝為其子昌意取蜀山氏女生高陽是為帝嚳封其支庶於蜀世為侯伯周武王伐紂蜀與焉襄王時有蠶叢氏自稱王治瞿上衣青衣勸農桑次王曰

栢灌曰魚鳧玉田于湔山忽得仙昇去蜀人思之為立祠今瞿上有蠶叢城成都及眉州有蠶市湔山入都江水今成都府壯昇仙山是也

杜宇繼魚鳧後戰國時自稱望帝性好稼穡教民務農禫其相驚靈升西山隱焉後民感其惠于二月方耕時聞鶉鳴思宇因呼為杜鶉云

叢帝名驚靈號開明氏治水有功受禫城于郫傳九世至孫開明尚移治成都不修武備秦惠王遣司馬錯滅之 替據

漢公孫述茂陵人漢赤眉之亂述私令人為漢使稱已為輔漢將軍兼益州牧因選精兵入成都乘釁以僭大號夢人告曰公孫系十二期因自刻掌文曰公孫帝遂稱

成帝焉馬援與述同里閑素善隗囂使援至蜀述會官立舊交之位盛陳儀衛嚴陞以見援歸謂囂曰子陽井底蛙耳後光武遣吳漢伐之述出禦被刺死果十二年而國亡

晉李雄其兄特嘗畧巴氏地雄與弟庠流俱材武善騎射晉齊萬年反流民入漢川者數萬雄乘困賑救由是得衆心上書于朝求寄食巴蜀朝議不許侍御史李苾慰勞且監察之不許入劔門苾受賂反為表請詔以羅尚為刺史特遣弟驥奉珍玩以迎尚尚悅命特結大營於廣漢間雄自稱鎮壯大將軍與民約法三章卹窮禮賢蜀人上悅尚忌之用任叡言以斬特雄與流等收餘衆自稱益州牧遂取成都自稱成帝以長生為丞相專任

李驥李離等後遣兵陷梓潼等州晉桓溫伐而取之凡
五傳四十二年

唐王建項城人少落魄不羈爲揚復光都校後歸僖宗行
在爲神策軍使僖宗奔蜀命建負國璽率劍士前驅後
拜利州刺史因募豪酋兵卒萬餘據閬自稱防禦使軍
勢益盛西川節度使陳敬瑄恐合兵圖已表請宰臣常
昭度鎮蜀以建爲邛州節度使敬瑄龍武統軍使敬瑄
不受詔以建等討之仍命建爲牙內都校乃私啓昭度
曰關東藩鎮相噬相公宜早歸廟堂與天子圖焉陰殺
親吏以恐昭度度即日東還建自稱留後詔授西川節
度使尋取興陽等七州進爵爲蜀王朱全忠篡唐建與
楊行渥移檄興復未舉天復丁卯欲自稱帝馮涓諫止

建性謙恭時唐故族移蜀者禮而用之建卒子衍立紳
賄多門上下浴然郭崇韜奉命率兵伐之衍迎降凡二
傳十九年詔夷其族

五代孟知祥龍岡人弱冠補河東牙校晉王李克用器重
之遂妻以弟克謙之女知祥累典親軍及郭崇韜平蜀
薦爲西川節度使既至擇廉吏蠲橫賦撫流散與民更
始遣趙隱張業分討群盜平之時明宗立宰相安重誨
以知祥在宗近親與董璋皆據險擁兵陰欲圖之乃以
李巖爲西川監軍知祥怒遂與董璋反攻陷遂州唐遣
兩川將吏還諭本鎮知祥約璋表謝不從璋詬怒謀襲
成都知祥用趙季良計拒璋於梓州其下斬璋以降知
祥遂上表謝罪稱藩於唐命爲蜀王知祥自稱帝改元

明德尋卒子昶立性慈孝明敏刻石九經置貢舉任用
王昭遠輩昭遠貪侈回邪表裏擅權補闕張九齡議之
昶怒坐貶昭遠以蠟書結壯漢伐宋宋遣王全斌伐之
昶遣使迎降封爲秦國公子玄喆爲節度使昶卒追贈
楚王凡二傳共三十一年

元明王珍玉沙人世業農身長八尺目有重瞳行字御里
質訟者皆取決焉至正辛卯里人結屯于青山推爲屯
長癸巳徐壽輝僭據漢陽招王珍授以元帥不就乙未
沔陽饑王珍入峽買糧會元帥楊漢于夔門備言重慶
左丞哈林禿右丞完者都素不相得遂統兵攻之完者
都夜遁生獲哈林禿父老迎入城王珍禁虜掠咸按堵
如故降者絡繹乃獻捷於壽輝秋授王珍蜀省右丞庚

子春陳友諒弒壽輝自立王珍曰友諒以臣弒君復
事乎遂閉關不與通自稱隴蜀王壬寅稱帝國號夏立
子昇爲太子設六卿等官丙午春王珍卒昇襲位改元
開熙洪武初遣使招之弗聽四年辛亥命征虜將軍湯
和等水陸並進討之昇降待罪於京師封歸德侯凡二
傳共十一年

叛臣

魏鍾會會既滅蜀惡都艾專制密奏艾反艾就擒會獨統
大衆與姜維謀爲不軌會得焉昭欲自將取艾會大驚
以爲昭覺已謀時郭太后崩詔諸將發哀會矯詔討昭
將軍胡烈子淵率部兵格戰斬維并會死者數百人

晉趙獻賈后姻也爲益州刺史趙王倫既誅后以耿滕代

夔夔甚懼時晉室衰亂夔潛有割據之志乃傾倉廩賑流民厚遇李特兄弟以為爪牙自稱益州刺史後忌特特恣之進攻成都夔走死

司馬勲梁州刺史自號成都王晉命朱序會益州刺史周楚擊斬之

譙縱南克人益州叅軍義熙元年桓玄暉等逼縱為主縱遣譙道福以重兵守涪城朱齡石奉命伐之至彭山縱遣侯暉拒之翌日齡石克涪城斬暉縱奔投道福不納自縊齡石入成都誅縱親族餘皆按堵

唐劉闢舉進士遷西川度支副使時常臯卒闢自為留後表求節鉞憲宗徵之不奉詔益加克悖求統三川不許遂發兵圍東川推官林蘊力諫闢怒命斬之陰戒行刑

遂縱橫屠劔州陷利州梁山等三十三縣廖麻子以甫受降招襲殺之方四走雲陽被獲梟于江津八年正月命都憲彭澤總制彭劾高都憲玩寇殃民械送京師卒於道彭公督總兵時源攻賊盡戮之餘黨悉平駱松祥內江民與成都衛舍人范藻相繼叛亂未幾就戮

張教焦珙劉芳俱茂州民正德八年叅將徐勇督脩教塲慄酷人多賄賂胥怨教等因呼噪執挺逐徐幸脫入城教等執指揮萬嘉言以脅徐索銀七百縱嘉言去十一年撫按遣知州封憲等勘問賊復圍城殺旗舍廖一受陶惠等後皆為官軍擒斬之

周天星周天和俱藍鄙餘黨嘉靖辛卯合流民張東陽

以叛嘯聚真州巡撫宋滄巡按熊爵請于朝以總兵何
卿兵備副使林豫督兵討平之

黃中石柱宣撫司人先是父俊據支羅寨假龍潭土舍
名色霸占民田時出劫掠總督馮都御史奏誅之中得
減死克戍隨即逃回招集亡命殺擄人民奉節雲萬等
縣連遭荼毒嘉靖四十四年巡撫劉自強題

請與湖廣會兵夾攻川兵進牛欄坪湖兵自施州衛以進
中甚恐由施南逃去為楚軍所獲川軍擣其巢穴獲其
妻子支羅平

周嘉江津長池里人與弟虎彪以白蓮教惑眾嘉靖四
十四年率眾作亂都御史劉公遣百戶李茂知縣鄭杰
撫諭之不聽與蔡伯貫等相響應劉乃遣茂調蒙溪等

者使露刃於頸欲使屈服縊叱曰豎子當斬即斬我
豈汝砥石也隣曰忠義士也乃釋之關據蜀日久詔許
自新關稔惡不悛下詔奪關官命高崇文杜元奕討平
之檻送京師

後唐康延孝為西南行營馬步軍先鋒等使同光三年隨
皇子繼岌平蜀其功為多位董璋上後璋附郭崇翰得
為東川節度使延孝因爭功不平擁眾五萬遂反璋等
討之延孝奔綿州追擒之檻送京師

曩加台蒙古人致和初任四川行蜀平章據蜀反自稱
鎮西王以脫脫為平章楊靜為左丞殺平章寬徹等煇
統棧道明宗即位遣人招諭曩加台拒命及太宗為皇
太子遣使赦台罪四月歸順蜀地悉定八月以台嘗指

斥乘輿坐大不道棄市籍其家

群盜

漢板楯巴郡人桓帝光和間寇掠三蜀及漢中諸郡帝遣御史中丞蕭瑗督益州兵討之連年不能克帝從程包之計遣太守曹謙宣詔赦之即皆降服

按板楯以板作楯今之所謂挨牌者非人姓名也其人乃廖仲藥何射虎秦精等七姓夷秦昭王時白虎爲害七姓夷作白竹弩於高樓上射虎盡殺之秦王嘉其功刻石爲盟曰秦犯夷輸黃龍一隻夷犯秦輸濁酒一鍾夷人安之後從高祖征秦有功世號白虎復夷一曰板楯蠻今所謂弱頭虎子者此見華陽國志甚悉姑掇其畧云

馬相靈帝時聚疲民數千以黃巾爲號殺綿竹令進攻雒縣殺刺史郗儉又擊蜀郡犍爲旬月破三縣自稱天子衆至數萬遣兵殺郡守從事賈龍先領數百在犍爲糾合吏人攻相斬之

張弘牙門將也汶山白馬胡之後刺史皇甫晏冒暑討之衆諫不納夜中州丘蔡雄宣班張儀守遂引弘督張衡等反殺晏家衆不知所爲兵曹從事楊倉彎弓力戰射且詈雄衆擊之見殺從事王紹赴死之晏幾爲弘害主簿何攀詣洛表請主簿李毅白太守王濬濬得詔以益州太守加輕騎將軍督兵斬弘等益州平

陳瑞捷爲民以鬼道惑民用酒一斗魚一尾貴鮮潔死喪產乳未百日不得入師曰祭酒不得弟喪撫殯問疾

尚奢靡作朱衣素帶憤進賢冠瑞稱天師徒數千潛以不孝誅瑞及祭酒衣施等焚其傳舍益州民奉瑞道雖二千石長吏唐定等免官除名不恤也

李洪自稱世子帝奕太和中因刺史劉季連失撫綏巴西趙續伯推洪為主乘佛輿以五綵覆青石誑百姓云天賜玉印當王蜀李連遣叅軍李奉伯討獲誅之

范賁穆帝永和三年李洪遣黨鬼文鄧定蕭恭文等復反據成都陷日南害督護劉雄而立賁為帝賁即范長生子也初長生為李雄國師民愛之賁因是聚眾為亂平西將軍周撫尋擊斬之

南宋程道養陽泉寺道人也益州刺史劉道濟任長史費謙聚歛興利傷政害人商賈失業吁嗟滿路流民許穆

變姓名為司馬飛龍曲道養以妖言惑眾元嘉九年聚眾為亂攻涪城陷之涪陽遂寧諸郡皆棄城走追圍成都刺史劉道濟嬰城自守眾共推道養為蜀王以弟道助為長沙王鎮涪城眾十餘萬十年二月臨川王義慶使巴東太守周籍之帥眾二千人援成都與叅軍裴方明擊破之斬道助而道養逃入鄆山時出為寇後寧朔將軍蕭江之討平之

唐郭琪西川左黃頭軍使也廣明二年僖宗奔蜀田令孜頒賜不及蜀軍眾有怨語琪言於令孜曰蜀軍與京軍同宿衛頭勻其賞令孜默然乃白酌酒賜之琪知其毒歸殺一婢吮其血以解吐黑汁數升遂帥所部作亂陳敬瑄遣押衛安金山擊之琪潰走廣都

宋王小波李順俱青神民初蜀悉輸其府庫之積於汴京因增常賦禁商賈蜀地狹民稠耕稼不給由是小民貧困淳化四年小波等聚眾為亂旁邑響應陷綿漢中等州西川都巡檢使張玘與戰於江源射殺小波而玘亦死之其黨推小波妻弟李順為主眾至數十萬攻陷成都五年正月命王繼恩為西川招討使雷有終為轉運使與劔門都監上官正合兵討平之

王均益州兵馬都虞侯也咸平三年正月四川兵馬鈐轄符昭壽驕恣侵虐侍衛軍卒趙延壽等執而殺之奉均為主都巡檢使劉紹榮被執不屈自縊死詔以雷有終為招討使李惠石普李守倫為巡檢使將步騎八千討之均攻陷漢州寇綿劔不克知蜀州楊懷忠討敗之

迂順中流矢死有終等進攻成都均開門夜遁有終等帥兵徑入分剽民財賊閉關發伏李惠及諸軍盡死有終等緣堞下僅免退保漢州均出兵襲王師有終等遂擊大敗之乘勝圍成都均從小南門夜遁十月石普追至富順監擒斬之

張福興元軍士也寧宗嘉定十二年乃與其黨莫簡等僭據為亂以紅巾為號陷利州制置使聶子述退保劔門掠果閬遂寧移兵入普州四川大震魏了翁言于朝起安丙為宣撫使福窮請降獻諸朝誅簡等餘黨悉平明趙錚德陽人天順六年蜀盜大起妖僧悞昇安浩銅保兒黃鵠子等流劫成都保寧奉鐸為主都督僉事何洪攻之戰敗與都指揮劉雄揚瑛等俱死于陣咸化元年

巡撫僉都御史汪浩用義士王志恭策討鐸斬之
蓋廷瑞營山縣人廖麻子鄰水縣人正德二年湖廣施
州衛學黜退生員崔蓬頭因姦親姑事發覺脫逃與王
虎張端為盜三年聚眾八十人脅大寧并灶丁鄔本恕
廖麻子等千餘人劫大昌園大寧知縣李睦大破之斬
蓬頭端虎率眾走鄖陽五溪鎮五年正月眾至八萬八
月欲攻巴縣巡撫林俊招之不果從十月仁壽賊方四
曹甫聚眾五千寇江津殺魚事吳景以應廷瑞六年復
命都御史高崇熙討之不克四月廷瑞劫蒼山殺魚事
王源五月都御史洪鍾來總制時林公主招洪公欲剿
廷瑞等方詣林投降洪邀入襲殺廷瑞本恕等三十六
人廖麻子等西走七月正月林公以志沮撓致仕去賊

離堆行

沿江有兩崖中斷相傳秦李太守鑿此以分
江水又傳李鍊孽龍于潭中今有伏龍觀在
潭上蜀旱久江水涸即遣官致祭雍州江水
以自足謂之攝水無不應民祭賽日率以羊
五歲殺計四

范成大

殘山狼石雙虎卧斧跡鱗皴中鑿破潭淵油汨無敢唾下
有猛龍踰鐵鎖自從分流注石門西州秔稻如黃雲割羊
五萬大作社春秋伐鼓蒼烟根我昔官稱勸農使年年來
漱西江水成都火米不論錢絲管相隨看蠶市疑門得得
酌清尊板漿桂酒剛羶葷安款一語神豈聞更願愛羊如
愛人

花卿冢行

謝臯羽

山谷云花卿冢在丹棱之陳錦
鎮至今猶有英氣血食其鄉

濕雲模糊埋秋空雨青沙白丹陵東莓苔陰陰草茸茸

云是花卿古來冢花卿舊事人所知花卿冢冢知者誰請
靈來歸白日西廟鴉啄肉枝上啼綿州柘黃蒐正飛

平蜀行

朱導

西蜀年來起群盜烽火煌煌通天照吾皇憂念席匪安
命將行師出廊廟僉謀聖斷惟彭公八王已見除奸雄召
公獨樹平夷績吉甫方成壯伐功庭前推轂命殊特即日
登程赴君急風聲到處肝膽融號令聞來毛髮立有時
料賊行前衝一聲鼓譟奔巖熊東擒西戮在頃刻飄風驟
雨過長空有時休兵出鈴閣緩帶輕裘步來數饑寒疾苦
細溫存家人父子恩優渥三軍畏命微喧囂往來不識凌
秋毫鷄栖豚柵傍茅屋青青菽麥平江皋天上鷹飛百禽
息柳營未足誇良策欵鋤叛逆宥來降肯使崑崗焚玉石

土兵得三四千人討嘉等平之

蔡伯貫田統俱大足縣人與富順縣黃一元等師事山
西陽曲縣妖人李桐傳習白蓮教招集黨衆於嘉靖四
十四年攻破大足銅梁合州定遠榮昌安居璧山等城
都御劉公自強檄僉事傅四思明與迪判郭雲鳳等討平
之

詔以伯貫黃一元毋子及蔣義等磔於成都市

何勉通江縣劉三坡人與弟何坤姪何萬千及汪二鐵

鏈子大鷄子小鷄子滾子俱有膂力嘯聚於八樹子於

陝西金州平利西鄉四川太平等處流劫聚衆萬人隆

慶三年川陝鄖陽三撫臣以

聞調集三省官兵討平之

謹按川蜀多寇蓋繇山谿阻險易起戎心而蔡賊以白蓮作僞愚民崇信屢敗而屢不悞也元世祖時西川趙和尚自稱宋福廣德王順帝時合州大足縣民韓法師自稱南越王皆不旋踵而敗從之者各禁萬人卒就誅夷而蔡伯貫何勉等復襲其故智而蹈其覆轍則白蓮教之流禍也豈不至酷烈哉向嘗閱夔境有麥子山延袤四百餘里東抵湖廣之房竹北接陝西之平利西南則與奉雲開萬等縣相連內有紅線崖節羅等處原存古砦可容數十萬人上有壤田可資餉給往年鄧藍何勉等咸嘯聚于此副使張儵曾議設堡編夫以嚴把守奈何今復廢弛哉噫修張公之策而嚴行之庶可杜奸宄而慎保郵矣

災祥

昔麟經之作備志災異而畧禎祥豈非欲有政者謹天戒恤民瘼哉蜀僻西隅民多質野師帥之吏能體天心以施仁愛俾民安而物阜則天表之應應之以善和風其雨景星慶雲當以時現卽有災沴不爲累矣噫善言出吻熒惑退舍茲雖常語也亦厥有旨哉

唐帝堯元年洪水滔天懷山襄陵九載始平

周顯王七年彗星見西方

漢呂后七年地震羗道山崩江漢水溢後五年江漢水又

溢

景帝二年有星孛于西方後一年又有星孛於西南熒惑逆行守壯辰月出壯辰間長星出西方

武帝二年有星孛于東井又孛于三台

昭帝元年有流星大如月衆星皆隨西行

元帝五年有星孛于參

成帝二年越雋山崩犍為地震山崩壅江水逆流有星

孛于井岷山崩壅江三日江水竭

平帝元年益州塞外蠻夷獻白雉越雋言黃龍游江中

安帝二年閬中山崩越雋山崩太白入北斗

桓帝元年梓潼山崩巴邑郡山崩巴郡言黃龍見

帝協元年越雋男子變女有星孛于井有星孛于北斗

有星孛于鷄尾

帝禪十二年大星墜于諸葛亮營

武帝三年衆星西流如雨而負有星孛于軫蚩尤旗見

于井黃龍見巴西閬中又見于漢嘉靈關者二

惠帝二年彗星見西方太白晝見中台星折有星孛於

北斗

懷帝二年大旱江漢竭

成帝四年大霖雨百日大饑疫

穆帝元年太白入于井

安帝十一年熒惑大見八十餘日復見于井

齊武帝六年熒惑逆行入于太微

唐高祖元年彗星見于五車

武氏元年松州雌鷄變雄

中宗元年彗星出于西方

睿宗元年彗星出西方入太微

玄宗三年彗星出于五車

代宗八年彗星出于五車

文宗元年彗星出于軫

宣宗二年彗星出于觜參

蜀王建元年彗星見于鬼長丈餘

孟昶二年太白晝見蜀大水孟氏廟壞

宋太宗六年彗星出于井黔州摩圍洞慶雲見石生鱗

貞宗四年有星字于井鬼眉州地震彗出北斗兩日並

見西南

英宗四年彗星見西方

徽宗元年彗星見西方長竟天

孝宗二年日月五星聚于軫

寧宗二年兩川地大震馬湖夷界山崩八十里江水不

通東川大水太白經天

理宗三年蒙古入成都大殺人除城外不計城中骨骸

一百四十餘萬

慶宗元年兩川地震熒惑入南斗五十餘日

元成宗二年彗星出井入紫微垣

仁宗三年彗出于井

文宗二年太白經天

順帝元年太白屢經天彗星見自昴至房十五宿霖雨

溢山崩有星大如月入北斗震聲如雷

本朝正統五年富順縣知府黃璿廬墓之側產芝一莖二

蓋都御史李匡爲記

天順元年綿竹縣大雨雹

天順三年岳池縣王孝忠家池內產白蓮一莖雙花
成化八年富順縣民周安家生蓮幹黎瑞竹並頭蓮
弘治元年富順縣兩稜若馬鬃然白緇色是年縣旱
弘治二年綿竹縣大旱

弘治九年綿州地震自東南而來西北方去有聲居民
房屋掣動十五年八月復震

弘治八年龍見于富順瀾崖衣尾鱗甲繞空中

正德四年七月八日夜重慶府永川縣白虹亘天

正德五年夏六月威州旱七月十三日廣元縣百犬關
有五色祥雲見于中天自午至未不散

正德十二年永川榮昌境大蝗

嘉靖元年綿州自春正月至夏六月大旱不雨

嘉靖四年綿竹縣龍蟠山竹有實

嘉靖七年夏秋全蜀大旱次年春民大饑疫

嘉靖八年保寧順慶潼川春夏旱民大饑

嘉靖十年冬十月岳池縣地震垣屋皆動

嘉靖十一年夔州府萬縣盤石嶺產白兔都御史宋公

滄獻于朝渠縣粟一本三穗

嘉靖十五年岳池縣三月地震建昌寧番尤甚有聲如
雷地裂水湧陷四五尺

嘉靖十六年富順縣甘氏之圃有木黃葛依石而生方
條忽拱

嘉靖十八年富順縣三月草木上皆有白漿是年有五

四川總志卷之三十三
色雲見于東北方

嘉靖十九年夏六月大水自彭縣丹景山溢歷崇寧新繁新都金堂漂泊廬舍沉溺人畜不可勝紀

嘉靖三十五年嘉定州李樹結爲豆

嘉靖四十四年大足縣有星殞於縣東之野入地三人聲如雷火氣逼人經宿方散八月海鶴復來民間皆云白鶴卒符妖賊蔡伯貫名云

隆慶六年彭水縣天降紅雨點人盡赤

萬曆元年鄧都縣蝻虫生禾根如刈敘州府四月至八月地震十餘次是年有平蠻之役